

清字第二一二號

清遠縣志卷十八

藝文目錄

經

史

子

集

清遠縣志

卷十八

藝文目錄

藝文凡例

清字第二一二號

昔宋孝王關東風俗傳內有故籍志所錄皆文儒之士讐校之司其列書名唯取作者見史通劉子元甚稱許之此為地志載著述之始其後會稽志宋施宿撰四明志元袁桷撰繼之遂為方志之楷則漢時劉向父子著別錄七略二書始開目錄之體班氏漢書因而專立藝文一門隋唐宋史襲其故步目錄之學竟為專門國史方志歷來不廢舊志有藝文一項今悉仍之

目錄之學既盛紀載之體攸分有止列書名撰人者如劉向別錄有目錄之學既盛紀載之體攸分有止列書名撰人者有攷古書注明存佚者崇文總目等有詳錄行誼以補史傳之缺者有別立解題詳攷得失者直齋書錄類列諸家題詞序跋者至宋而諸體大備至前清朱竹垞經義攷一書首列書名卷數次列撰人姓名次則分注存佚缺未見四

清遠縣志

卷十八

藝文凡例

類次則列原書序跋諸儒論說及其人之爵里有可攷訂者即附案語於其末體例最精阮文達之通志即沿其例今師之其存佚缺未見四項統以現時為斷而諸書所載者亦錄之

古來目錄州居部分以類區別歷朝史志及鄭樵通志藝文畧晁公武郡齋

讀書志趙希弁讀書志尤袤遂初堂書目焦竑國史經畧黃虞稷等千頃堂書目莫不

因仍而陳振孫直齋書錄解題且分至五十三類其盛可知惟高似孫之子畧集漢隋唐志諸書皆削其門類以分門隸屬每易混淆如四庫提要所云以錢譜而誤入譜系者有之矣則分割破碎誠覺繁難且吾邑人士著述無多更不必多標子目今從舊志分經史子集四部以

統之各部以時代為先後

漢志藝文錄賦百家班固撰晉分四部荀勗撰四曰丁部宋作七志王儉撰

三曰文翰斯時尚無集名至梁之七錄阮孝緒撰始標集號然四部次序

勛以子在史前迨至李充始第經史子集前清四庫率以爲程矧屬志書更宜因襲名曰藝文從阮通志例也吳興備志明董斯張撰山西通

志清石麟編均稱經籍今不從以四部猥雜不盡經籍之書也胡應麟主

張四部之外另列叢書少室筆叢趙翼亦主另列說部甌北詩話今邑中絕少

此刊故不必從舊志藝文於經史子集之後附序記詩詞例殊戾古

今概刪之以附各該題之下此吳郡志例也宋范成大撰

新唐詩於無列傳者則存其人於藝文志元史無傳者則不錄其書

明史藝文志無卷數者概不著錄謂其疑信未定寧缺不詳蓋慎之

也吾邑藝文厲目者少雖無卷數從寬收錄此南海縣志例也桂拈撰

無傳者畧注履歷此肇慶府志例也屠英修仕履見列傳者不再著見

前者後亦不著採訪未詳者從畧東莞縣志例也陳伯陶撰藝文或徵誌

狀或考志傳採訪所及亦列之惟生存者不錄順德續志例也周朝槐撰

## 清遠縣志

### 卷十八

藝文凡例

二

今皆從之

四庫全書提要云舊有譜牒一門然自唐以後譜學殆絕徒全虛目故具刪焉今援其例惟是孔氏家譜五卷始爲孔煦所輯近屢重修俱經衍聖公鈐印發回此爲人類之師表當錄之以明聖裔之所在其餘各姓之譜概不羈入此亦史府志例也

新會縣志云凡游宦著述列於各類之末賈維英修阮通志於僧道之作

亦是此例今凡非本籍人作者皆詳各類各朝之末至舊志誤收者

如區大韶陳元孝等則訂正於各該朝之後以免後世滋疑

清遠縣志卷十八

藝文

經類

毛詩集義

明 白彬 撰  
佚

見本志列傳

中宿文獻錄云巡按御史徐瑄行部至邑聞公之賢為序刻之以

訓多士

易經爻辰互卦義疏三卷

明 白榮 撰  
佚

見本志列傳

中宿文獻錄云倫以訓白山集有此序

易經粹意

明 孔煦 撰  
未見

阮通志引張府志云煦嘉靖壬子舉人分教湖口講修身為本之

清遠縣志

卷十八

藝文

三

學升新興教諭轉龍南令為異已者所沮遷衡府教授著有學庸  
說旨易經粹意

謹按張府志循吏傳云煦博極群書為文典雅精核壬子中乙  
榜人皆以遠大期之乃九應孝廉選弗售丙午歲荐云云舊志  
選舉表亦謂煦萬歷三年歲貢則煦並未中式鄉試阮通志誤  
以壬子中乙榜為舉人也史府志題煦為舉人亦沿之而誤

學庸說旨

明 孔煦 撰  
未見

見阮通志引張府志

易義十卷

明 區大韶 撰  
未見

阮通志引張府志云大韶字而佐清遠人諸生

史府志云按張府志大韶清遠人有傳阮通志從之而新會志則  
云大韶新會人以張志為誤未知何據

謹按賈維英新會志謂易義十卷明區大韶撰大韶字而佐號慕峰邑城人王志有傳張府志作清遠人誤云則大韶實新會人本不宜錄但遽刪之後人必據通志府志以爲漏畧茲訂正之而仍錄如右

毛韓詩攷正三卷 清 白受采撰 佚

見本志列傳

中宿文獻錄云南海勞徵君孝輿爲之序

四書講義錄 清 郭亨泰撰 佚

郭氏族譜云亨泰字潛齋邑庠生鍾熙曾祖也

四書口義十二卷 清 朱松齡撰 未見

見光緒志列傳

周易纂要 清 郭鍾熙撰 存

## 清遠縣志

### 卷十八

藝文

四

光緒志藝文

四書講義 清 郭亨泰撰 佚

高田族譜云亨泰字潛齋邑庠生充任約正鄉人薰德而善良年八十猶好學爲孫曾演講一日無疾忽掩卷而終

五經辨疑 清 郭見晟撰 佚

郭氏族譜云見晟字湛斯儀長姪也年二十一中乾隆甲寅科舉人會試歿於京邸

尚書古今文彙攷五卷 清 白居岐撰 存

五經古註名物疏四卷 清 白居岐撰 存

向秉猷序白君此二書畧謂尚書古今文之辨衆論紛如莫衷一是君則輯錄古今諸儒自蔡沈以至惠棟數十家之說爲尚書古今文彙攷五卷訂訛政誤於是而僞孔傳之始末瞭如指掌又撰

五經古註名物疏四卷以釋各物制度此尤有功經學非空談性理之宋學家所敢望云

左傳分類駢句彙輯清 梁永球撰

梁氏族譜云永球字熾亭山塘人鹽運同知銜性嗜學圖書滿壁博覽無遺著有左傳分類駢句彙輯詩韻韻語撮要

史類

峽山履平集一卷宋 司馬儼撰

見宋史藝文志 阮通志云佚

峽山利涉集一卷宋 潘子韶撰

見宋史藝文志 阮通志云佚

峽山寺志二卷不著撰人名氏

見世善堂書目 阮通志云未見

清遠縣志 卷十八 藝文

峽山集未詳撰人名氏

宋王輔峽山神異志自序云訪峽山集舊板散失

峽山寺記未詳撰人名氏

蘇文忠公詩集查氏註引廣東舊志載有峽山寺記

清遠縣志宋 林勳撰

阮通志云按黎恕序云宋建炎三年廣州教授林勳來署縣事手筆作志封域建置畢陳山川人物具載而志始肇焉

飛來寺志未詳撰人名氏

張府志古跡引有飛來寺志

綏徭紀略明 清遠衛署撰

中宿文獻錄云紀略內凡歷次征剿峒徭之公文案檔與及各處徭巢土名峒首男女丁數及白廷用世管官屯山地輸稅事均詳

載之明末白龍騰捐資校刻初為清遠衛署存庫之本自龍騰刻後始傳於世鼎革時板燬乾隆時尚有殘本三十二篇今不可見矣

正德清遠縣志

明佚

張欽修王綱輯

見史府志

謹按此志光緒志漏載攷隆慶志黎序謂正德五年邑侯張公欽詢耆民徐禮家得宋林公遺志與監生王綱

光緒志誤作三綱

攷郡

邑志廣州通志

廣州應作廣東光緒志誤

明一統志參定云云則此志當錄

故補列於此

清遠縣志

明佚

洪子誠修

阮通志云陳哲志子誠莆田人舉人嘉靖四年任首修邑志

清遠縣志四卷

明佚

陳嘉謨修黎恕輯

清遠縣志

卷十八

藝文

六

阮通志云陳哲志嘉謨遼陽人隆慶元年任首修邑志

隆慶丁卯秋知鄱陽縣事邑人黎恕序曰天下郡邑皆有志志也者所以足文獻徵久遠焉者也邑自唐武德四年辛巳省政竇始縣清遠至宋建炎三年己酉廣州教授林公勳來署縣事手筆作志其封域建置之畢陳山川人物之具載而志始肇焉元季散佚至國朝正德五年邑侯張公欽慨邑志久曠銳焉興修詢耆民徐禮家得宋林公遺志再三詳閱與監生王綱

光緒志誤三

攷於前代郡

邑志廣東

光緒志東誤州

通志大明一統志更相參定志略草成侯奉詔

往復至嘉靖乙酉邑侯洪公子誠來蒞茲邑詢致仕官李仁素閱諸郡志之體折衷於古史之法志已脫藁會公擢廣州別駕心甚怏怏屬望於後者焉隆慶丁卯陳公嘉謨下車即詢志卷既閱而嘆曰自宋建炎己酉為作志之始兩經校修至今丁卯計年四百

五十有六矣竟未刊焉良可惜也卽欲捐俸刊之復思志幾經前人未免有辟壤之變遷公署之更置民物之登耗戶產之增添又不可以耳目計者因屬恕而商議之恕雖不敏不敢固辭述已見聞勉強從事共將舊志勤加蒐討重修蓋囊括千百年間之事爲類七十有六爲卷有四首紀封域重始事也次紀建置存王制也紀學校端風化之本紀嘗祀盡孝享之誠風俗食貨民生備矣兵防秩官吏務周矣尤紀選舉所以彰人才紀人物所以著不朽若夫奇異文翰雜志列焉一邑雖小天下之事畢矣茲志顧不重歟二侯之急於修陳侯之急於梓可謂知本矣雖然難得者時也易缺者典也余將拭目以俟之成因以昭侯之烈焉

清遠縣志

明

劉幼學修

阮通志云陳哲志幼學宜山人選貢萬歷二十五年任曾修邑志

清遠縣志

卷十八

藝文

七

清遠縣志

明

孩麟修

阮通志云崇貞丙子見陳哲志序

崇貞丙子孫麟自序曰邑志倣禹貢職方遺意也而水火工虞兵農禮樂臚列過之讀其書直與勗邑者之精神相扶不朽非稗官小說之寥寥者也中宿當南嶺要衝精氣時多奔竭而又猺警狎至文事寢衰卽有一二稽古之儒奮筆直書而時數礙其知情知罪撓其筆舌薦紳家難言之一日客有頂禮飛來撰禹峽志光緒志作非峽詩示余者余廣之曰山水有緣賴子手腕點綴俾全邑生面何沒沒也幸爲我補此一段缺典客曰志非才吏不能作卽才吏亦不暇作非直筆不敢書卽直筆亦不肯書何也天之所秘惜者才也易過者時也俗之所憚者直也避忌者口也子大夫旣才且暇邑士紳旣公且敏予以一人無心之月旦續下死之幾希又何讓

焉余於是諏吉授簡徵憲乞言客乃焚膏火竝日夜蒐野獲於蟲  
編拾斷碑於荒草問制於夏鑄商型忝情於童歌巷語缺者補訛  
者正湮沒者著明而體制乃犁然大備藁成質於予予曰是豈爲  
寥寥者乎地事詔矣民務周矣王迹不熄矣雖然滋懼焉孔子道  
不行猶惓惓於周禮之在魯策之曰一變至道孟軻氏光緒志不  
忍屑越滕之褊小也下一瞑眩之藥曰截長補短猶可以爲善國  
今中宿之病蒙矣窳矣將盡焉余不能施截補之手而姑爲此至  
語以留人物於醒境誠恐驟讀之君子喜小人怒奸雄未竟而走  
不以余爲頂門之針而以余言爲詹詹說鈴也余罪矣

竺山舊話二卷

明缺

黃河清編

清白熾勳白卿培增輯

中宿文獻錄有此書原序云天崇之間白指揮公頻年延聘洪儒  
主講於竺山書院以訓子姪而邑中俊秀群趨附課於此近數年

清遠縣志

卷十八

藝文

八

來其高材諸生之肄業者竟較多於邑庠豈不盛哉黃君河清拔  
貢生也游竺山五年於天奎樓所藏墳典探討迨徧日者因承鎮  
玉先生命將文獻錄所未載之軼事及將門坊內世代簪纓武功  
文烈之佳話略爲紀之以傳聖朝之盛事云咸豐間此書散佚過  
半熾勳採諸家乘訪諸故老輯錄存之卿培增續近事彙編爲二

卷

中宿文獻錄三十卷

明缺

郭之奇鑒定鄺日廣劉廷琮同編

中宿文獻錄彙編六卷

清存

白熾勳輯白元章續輯

咸豐十一年冬月白熾勳輯爲五卷其序略云昔族伯祖忠節公  
於明代爲指揮使豪宕好客四方文士皆與之交或爲幕客或爲  
塾師崇禎初番禺鄺太史日廣正在衛幕南海劉太史廷琮主講  
竺山書院日事吟咏唱和而已忠節公卽出先人所著毛詩集義

易經爻辰互卦義疏新舊縣志鳳台詩選一二三集奕業傳芳集  
通志府志筆峯集兵法輯略武安兵略戴御史集征播撫苗錄備  
倭芻議綏猺紀略峽山志竺山舊話與及邑中先輩之著述凡事  
涉於清遠者無不搜羅編錄內分文類二十八卷獻類十一卷合  
成三十九卷其中經解詩賦論詞等爲文者鄺公主之而遺聞逸  
事列傳碑志案檔志書等爲獻者則劉公主之然忠節公猶恐未  
善也適惠州郭京卿之奇請假省親道謁公公又請爲鑒定郭公  
乃刪其繁蕪歸之嚴簡節爲三十卷梓之板存竺山書院惜李賊  
兵燹板亦全失幸鄉賢公僑寓佛山將錄中所載有涉吾族之事  
跡分隸於家譜家傳之下尙得以見其萬一此見於舊序者也茲  
者予修譜之餘或從鄉中父老或從別房昆季多方採訪合之譜  
內有中宿文獻錄之標題者錄之尙足四卷余又將永歷上諭御  
史奏疏禮部行狀乾隆上諭九卿內閣奏疏暨國朝以來族中文  
章行誼附於卷末共成五卷將來梓行之以補邑志之未備焉愿  
後昆珍存之

## 清遠縣志

### 卷十八

藝文

九

邑庠佾生白元章跋畧云昔者曾叔祖光如公修譜之餘搜輯先  
世之軼事編爲五卷仍名中宿交獻錄從其朔也編次脫稿急欲  
梓行交吾叔祖大慶公齊芳公等梓之適叔祖逝世流落邑城聚  
盛店中店務旣歇先父乃携之回家茲料理敝篋獲見此帙急騰  
正之並附後來文章懿行再次於末與光如公續輯者彙編之合  
共六卷以待族人刊刻焉

謹按郭之奇揭陽人天啓元年進士官至尙書明末殉節清乾  
隆間賜諡忠節鄺日廣番禺人崇禎十年進士官至襄陽府推  
官死於流寇之難劉廷琮南海人由從化籍中崇禎十六年進

士授翰林院庶吉士皆節義之士惜三公原序今皆散失熾勳  
字光如郡增生元章字啓堂邑庠侑生皆留心掌故邑中文獻  
多賴保存

峽志

明未見 黃惟用撰

見峽志黃惟用詩自注

禹峽志

明朱士讚士諒學熙同纂 佚

光緒志引舊志知縣孫麟撰序並佚

謹按朱忠愍學熙有謝孫侯錫峽疏序詩則孫麟所序者爲禹  
峽疏畧而非禹峽志也此云士讚士諒同撰或另有一書舊志  
有之姑照錄焉

禹山疏畧

明朱學熙撰 佚

白氏奕葉傳芳集載白之昱所撰禹峽疏畧序已殘缺畧云

上缺

## 清遠縣志

### 卷十八

藝文

一

古之爲方志者始自山海經及禹貢後此或稱志 也至若

注疏乃昔儒釋經之名今叔子先生之疏畧所以世皆未 命

名之義故反每以爲疑而各家之序孫令公之跋又止明其書內  
之翔實紀載之詳明未有及其命名之義者又胡怪世之懷疑者

乎以余攷之專志名山者輒近 盛 上缺 而我粵東在晉有袁

彥伯之登羅山疏竺法眞之續羅山疏近時王次公有閩部疏王  
穉登有荆溪疏是地方之志以此爲最先山志之名以此爲最古

叔子君能探源本始詮詁書名其 上缺 則書所載之條暢

不問可知謹跋之以告後之臥游者

朱學熙謝孫侯賜峽疏序詩云閱世多煩澆終歲宜鍵戶頗留緇  
帙癖庶幾窺千古所親恒竊嗤所憎恒諭取乃有元對人盡排衆  
見腐摛華已過推奇節亦謬許撰述敢曰能嘉茲峽靈祜賞以流

輝液冠以瑤瑤叙情關邱壑深語極烟巒趣發揚山水音宏獎人  
倫譽循問表南陬太音諧六呂彼簪裙俗流烏知此霞舉陵谷有  
堙移風徽靡淪瀆

魏提學浣初讀禹疏畧致贈詩云茲山信靈詭雄跨東江脈兩僧  
運神功二禺占仙籍南宋會東度于焉遺履隻掌果悟獻環心源  
印凝碧厲公名勝流幽討徧名蹟亭響坡題泉巖懸顛拜石渾沌  
一以剗地寶紛呈蹟異草三花抽奇榴五色炙竹聲時韵竽松髮  
披亂幘龍脫角曾磨犀沈炬休射狢猿連臂呼魑魅當頭擲我亦  
攀躋屢妙莊嚴遜昔衲子纔應門堂參罕數席何當往來津白晝  
風雨夕頗疑山光氣仙佛大驅役岫飛不受鞭壑走肯容搯况乃  
諸無情怪珍日揮斥感衰刼循環向苦蛟爲厄又何私奧竅獨取  
娛遷謫豈伊山中侶永謝仇池隔蘭握定分襟珠懷必媚澤誰貽

清遠縣志

卷十八

藝文

二

宛委餘恍捧娜嬛冊始識白雲塢果有高人宅累世此菟裘一門  
詞賦伯本以義俠腸而負隱淪癖碩人咏弗諼孝子思無斃韞玉  
貴自我布金非所惜狐史任品評靈威借開闢蒙茸逢虎豹卑濕  
中蛇蜴岸墮安累碁湍奔截裂帛夭矯屬剪裁高深受區畫登頓  
輒忘疲歲月良己積會引桑柘村直上荆棘陌蓮宇翬斯飛芸房  
蠹全辟倚閣下流丹啓窗中繚白落日橫岡腰滃霧起屋脊朝昏  
候非一明晦態殊百前峰放鶴歸爰止紫芝客窅然見漁郎率爾  
壺簞逆抱琴俯空潭鑄句嵌欹壁或涉危坪間樵夫窺對奕迴風  
吹下界語笑留連劇我欲往從之竦身苦生翮先報瑤華音

光緒  
志華

誤  
華

敢將腐鼠嚇呵從旌麾屏衣裳蘿薜易勿敕一丸泥封斷馳烟

鐸

謹按黎忠愍遂球蓮鬚閣集內有報何相國書云朱叔子經營

二禺峽疏甫就伏聞閣下許爲記序並搜諸題詠篇什知山中  
之業不吝爲名跡點綴則當時峽疏之首必有何吾騶之序惜  
原書已失其序不傳

國子監規例雜錄

明佚

白士豪編清白昌盛輯

詳本志雜錄

竺山舊話云乾隆間尙有殘本今不可見

清遠孔氏宗譜五卷

明存

孔昕孔煦修

清孔興權續修

明萬曆辛卯兩廣總督劉繼文序云余奉命祭告先師廟低徊旬  
日歷魯林而遍焉厥林森如厥宇窿如厥族藹如歎曰先聖德澤  
千百年一日也其與天地同悠久與歷代同尊崇國朝如盛吾輩  
誦法孔子媿無以將報萬一也旣宴于衍聖公府問所族姓公曰  
吾孔氏世世居此土殆稱蕃庶唐代宦遊各方兵戈間阻流寓各

清遠縣志

卷十八

藝文

二二

省在在有之今梁淞梁粵其右云殆余節制兩廣新興教諭孔煦  
君屬從事君博學富著作述余深器之諸書悉令校讎訊其族派  
自魯辛卯歲余應詔佐民部道經清遠君謁余飛來山寺出所修  
譜示余余考其世先聖三十八代孫孔幾爲嶺南節度使有惠政  
載諸史誌子溫質四門博士孫絢調丹陽令卒於官時因兵亂子  
昌言幼遂居鎮江有曰璿者宋綠孔子後授迪功郎俱載闕里歷  
歷可考孫標徙合肥孫政國朝從戎調守清遠清遠之有孔氏自  
此始也茲由清遠以遡之合肥由合肥以遡之丹陽還遡之闕里  
世雖遠而系不紊矣不觀之崑崙乎幹生枝枝復生枝然皆一脈  
也裔出先聖闕里其崑崙也南來一脈五嶺亦名山也發脈尼山  
鍾英五嶺孔氏其大有乎余起聖門常思所以報稱萬一也則見  
是譜也儼然先聖之澤也是命墨卿敬爲之序

清雍正三年孔子六十六代孫兩廣鹽運使孔興璉序云吾宗自東魯聖祖而來至璉蓋六十六世矣而支分流遠其散處於天下者亦所在多有如廣之南番順所爲族者不一溯其初則皆吾宗派之宦游僑寓者也予少家居聞嶺南前有孔昕者居清遠登嘉靖甲午賢書任山東濮州觀城縣曾携譜進香闕里其得姓隸籍自孔政公始悉與舊譜脗合因爲向往久之迨康熙二十七年承乏番禺甫下車而近城諸鄉有屬吾家一脈者各紛然呈譜請謁予旣按其實而序之然猶以無因及清獲識子姓爲憾今忽忽三十餘年復叨簡命來司兩廣鹽政乃於雍正二年始得宗人衍權興朝進譜來會予一見而喜謂得以償其夙願因題二額曰洙泗南流尼山衍派以贈又命譜序并數言於簡使後之覽之者知淵源脈絡有自而來皆一體同邀皇上覃恩聖祖厚澤則雖遙距萬里其藉蔭孔林無遠不屆而禹山冽水直可仰止朝宗且將與洙泗龜鳧並峙流於無極庸敢忘其所自哉予因進權等而謂之曰聖人之道久而彌彰斯譜之傳引而勿替則由小宗以上溯大宗派雖異而源則同尙其世世匹休毋俾廢墜吾宗其大有慶乎有序其始末授之於是乎書

兩廣平蠻錄二卷

明末見 白仕荷撰

中宿文獻錄云詳見蓮舫集序

謹按何相國吾騶爲蓮舫集序云仕荷親見王鈞談愷大征羅山懷集一役遂錄當時事實撮其奏疏及其父日晟所呈四會分設縣治議一篇共爲此書二卷今查范氏天一閣書目亦有兩廣平蠻錄不著名氏但作一卷與此不符因未目覩不知卽此書否故著未見焉

清遠縣志

卷十八

藝文

三三

二禺志

清未見

夏雲撰

阮通志云張府志雲清遠人歲貢生

二禺峽志

未詳撰人未見

阮通志云序見獨漉堂文集

史府志云清遠志有夏雲自序阮通志謂未詳撰人序見獨漉堂文集然陳恭尹序謂邑人夏君搜摭於蒼崖斷蘚之間彙以成編云云當卽雲所撰本也

謹按此志阮通志分而爲二者以陳元孝之序並未著夏君二字所以於夏志之外別出二禺峽志一書蓋慎之也史府志所云不知何據故仍分錄之

陳恭尹二禺峽志序云凡山形欲奇勢欲深境欲靜以是三者概天下名山幾盡之矣而獨不足以盡二禺峽二禺峽者居清遠上

## 清遠縣志

### 卷十八

藝文

一四

游三十里當嶺南北行要道湏湟滙流兩山壁立飛泉巖石之妙絕於天下道書所稱第十九福地也梁普通中舒州延祚寺一夕飛來故數千年間高僧羽流前後仍集予數四往來瞻顧徘徊竊疑造物者自秘其奇久矣珠則胎之玉則璞之名山之必深必靜其常也而此獨炫然呈露何也彼舟行其下誰哉非銅竹之符則輶軒之使也下焉者非擁貨而南則載寶而北者也行則有赴時計日之虞止則有畏途惡風之戒名勝當前悵望光緒志悵誤悵而不得卽而樵人牧子倚山門蔭喬木捧腹而笑行者勞人草草有不自嗤其形役者乎其幸而得至者登於山則有幽曠瑰異之觀以潛奪其燥競之心挹於泉則有清迴寒涼之氣以澡漑其熱中之念然後知二禺所以寓其至奇於不深不靜之間者固造物者憫度之大慈也良工之淬劍也方其熾然而急投之清冷之淵則堅利

無敵少緩則否彼號爲名山居深處幽而有能裹糧問奇自至皆其不待焯而堅利者也豈可得於市朝熏灼之士哉觀唐宋諸賢及吾鄉先哲其詩文爲二禺飛來作者往往多曠達明悟之旨而鼎革以來舊志無存邑人某君乃搜摭於蒼崖斷蘚之間彙之成編又爲之繪其圖形徵諸故實禺峽之奇與其文獻於是大備夫嶺南僻在一隅舉天下之人過二禺之下者百不一二至其下而能登望游觀以盡二禺之勝者又憂憂乎

張府志引此多難之矣三字

若前所

云造物者雖有區區慈憫之心所及不旣寡乎

張府志引此少若前所云以下三句

有某君之志使天下人人犁然皆有二禺在自然後造物者之心於是乎不窮予故樂爲序之

夏雲自序云昔予先隱士棲隱禺峽之後曰龍頭半墅先人菟裘在焉與峽寺相距數里許舟車可達每逢春樹秋濤奇霞積雪觸

## 清遠縣志

### 卷十八

藝文

一五

境會心輒鼓櫂溯洄扶筇選勝與諸衲爲方外友予獲追隨杖履侍壺觴之役或興盡而返或信宿流連自謂與名山有緣迨順治甲午間寺僧散亡刹宇林木盡爲狂徒所毀千古勝槩旦歸濯濯予貧且賤不能代峽靈申請厲禁爲護法檀越又不能勸緣布墜作讚嘆功德於山靈無補心竊負愧焉歲辛丑以避寇移居縣城當事諸公雅有名山之好予從諛倡始其事然僧孤緣寡正以全復爲艱康熙二年幸遇平蕃大發宏願爲茲山功德主一切殿閣亭臺概爲建復舉數百年積累締造者不一載而規模咸備焉猗歟盛矣所可憾者惟古木千章交柯落蔭非人力所能驟致爾緬維茲山自軒轅迄今時代久遠異蹟甚衆而舊志殘闕散失今不輯梓名山面目恐歸湮沒一日於友人齋頭得舊志全稿退歸北禺閒軒參互較訂正其魚魯增以纂修近事爲卷者四事皆據實

無所阿比蓋取其信而可傳以俟後之作者遂罄半墅力穡所入得錢五十餘貫以付劊劊始事於乙巳春初告竣於是年秋杪雖不敢謂於名山有功然使登臨者有導遊之娛展卷者具凌雲之意千秋勝概庶可藉以永傳也至於當代詩文予自分寡陋不獲遍購入梓實多缺憾倘海內名碩不靳珠玉緘寄瑯函爲禺峽增重蓋翹首而俟矣

禺峽山志四卷

清

孫繩祖撰

康熙辛丑廣東布政使王朝恩序云從來山水之勝必待其人而後傳苟非其人雖美弗彰是以古之名人奇士宦遊流寓往往於登高臨深之際注意獨切著述極多然或時移事遷編殘簡斷遺蹟之湮沒於荒煙蔓草中者亦復不少山水有靈能無貽憾歟余生平性好佳山水凡舟車所至必移屐探奇訪求遺蹟流連不忍

清遠縣志

卷十八

藝文

一六

去迨奉簡命由湘江過桂林來屏東粵於水則見珠海之浩淼接天於山則見羅浮之幽邃亘地斯固秀氣所鍾嶺南大觀也其他山水指不勝屈若禺峽之間傳聞尤最身雖未及徧歷然心竊向往焉辛丑春澹翁孫君令賢郎韋村致辭曰禺峽居清遠上游壁立千仞翠擁兩涯奔流激湍映帶迴環凡五曲而始達飛來寺岸天下福地三十六此列第十九自軒轅迄今爲仙釋所宅異蹟累累在昔有誌後爲兵燹散失一日偕升甫歐子憑弔蒼涼因購得明經夏雲所修從而增刪纂輯以便後之遊覽考稽庶不致山水失傳請爲傳以付劊劊余欣然展帙披圖首有提綱卷有倫次若山若水若古蹟若仙釋以至事實殿宇坊表碑刻扁額寺產靡不瞭然在目如置身其際及讀今古藝文題咏又恍然於山水之因人以傳得孫君之手筆而益著孫君與余爲中表昆弟生同里學

同硯仕又同方其才敏其守潔其書法更工官於粵者二十餘年矣清遠素稱難治孫君調繁以來大綱小紀皆已就理民情土俗皆已淳厚復能於政事之暇暢遊山水廢者興之闕者補之求其舊志而修明刊刻之雖宦橐蕭然澹如也豈非當世之賢豪將來之柱史禹峽孫君行且並傳不朽矣余嘉其留心風土樂爲之序並以勸凡爲良有司者至余素日未及親歷徒切嚮往之心亦藉是以少慰云

康熙庚子清遠縣知縣孫繩祖自序云禹峽山水之勝甲於寰寓荐紳賢豪爭折屐流覽而終未能不脛而走歲壬午余縮符之羅州帆影與山影相照格於程限未及窮山之秘越癸巳春荷特簡調繁茲土私幸勝遊可遂一日偕僚友泝江而上陟古寺聽飛泉山光潭影又似與我兩相映契然欲窮幽極渺輒爲煙羅榛莽所

## 清遠縣志

### 卷十八

藝文

一七

梗不覺憮然曰心性之學原不在文字然非夫子之博我以文何由直透本來似此名山而無志可攷迷途其安往乎時太學歐子升甫同遊作而對曰山舊有志出邑人夏雲筆今復散佚請展期購之閱月歐子以志來余展卷繙閱乃顧歐子歎曰名山不可無志志必有類次若紊類鮮次是猶星辰垂象躔度失位能不令仰瞻者之失所窺耶歐子曰搜奇探異剖璞成玉永揚愚峽之休舍侯其誰屬焉余諾之乃於退食之暇親定甲乙首列愚峽圖經繪圖凡六從舊志也次名勝備考次建置沿革次古今藝文次登臨題咏各提其綱而仍各分其目山之怪石寒泉奇峯峭壁與夫鴻文妙韻盡表而列之造化不得秘其靈爽令展卷者可以身遊可以臥遊如葭屋之隱微罔不稔晰孰爲可興孰爲可除盡與以生面斯乃爲借物適情以昭其憂樂者若徒爲山水紀勝遊此巢許

事也歐子喜曰先公有言人知太守之樂而不知太守之樂其樂也時有住持嗣法僧興賢願經營以資剝削無何飛錫出境弗成厥功余念志稿既成而不刊久則名勝必湮沒無所攷鏡因捐俸授梓板付寺僧謹藏於寺庶幾永其傳焉

禹峽山志續編一卷

清存

僧本淨編

謹按孫邑侯峽志燬於咸豐初兵燹許小琴太守乃命本淨重刻之並輯朱次琦謝蘭生等詩六十一首共爲續編附原志末咸豐辛酉兩廣總督勞崇光重刊峽山志序云余讀唐宋人詩峽山寺早在意下及出東西路帥峽山寺又在管下乃不於兵戈少靖時與昔之葛稚川唐之張燕公宋之蘇子瞻輩相與嘯詠其間此山水志與輿地志所以俱爲臨撫者所必欲見之書今年峽山寺僧本淨山峽山寺志蓋初於邑人夏雲修於邑令孫繩祖今其

清遠縣志

卷十八

藝文

一八

板散佚且毀矣幸有藏本將謀重梓乞余更定其書余案山水志本不同輿地志宋以後作者多混之如六朝時釋子慧遠廬山紀畧一本唐時道士李冲昭南嶽小錄一卷此爲志山水之祖自是而後赤松山志青城山志旁及人物碑版洞霄宮志孚惠廟志旁及宮觀神異桃花源集卷雪樓集更及文字題詠此亦志山水所仿也茲四卷前爲圖經次及名勝次及沿革後乃附以藝文其大體不謬於古矣文字之未修搜葺之未擇固不爲覽圖經者之所病故還其書綴數語勗成其事他日手一卷自翫果至其地則爲謝安石可不至其地則爲宗少文亦可請以此一序爲緣

同治元年僧成果重梓峽山志後跋云峽山志前修於孫大令甲寅紅羊作梗凡殿宇堂寮山志書版俱被焚燬而寺幾不復爲我兩山有初飛來一古刹耳國朝康熙間經我厂翁石和尚重興因

拓大而爲十方叢林故長壽飛來源同一派事相關切蒙柏雨田中丞判回我長壽寺派僧前往持旋募緣重修奈賊蹤經過無時未卽擅興土木今幸肅清許小琴太守關心佛法眷念名山力勸長壽原住持本淨和尚前往經理經始於庚申冬告成於辛酉秋再思山志乃名山面目今無存則登覽者無從稽覈許太守乃捐廉重梓復懇勞辛皆制府爲之序夫飛來雖名山乃經災劫前柏中丞力爲挽回今勞制府序其志使名山面目濯然一新得非溫公佛玉局仙翻身重來旣霖雨蒼生長城嶺海有餘德澤旁及山林者哉將見雅望清聲與名山相映於無旣是役也許太守力爲之助本翁行年八十一肩其任而成適叨長壽法席目親其事爰誌端末

清遠縣志

清佚

喻振芳修夏雲輯

清遠縣志

卷十八

藝文

一九

史府志云此志阮通志失載今取黃許燦清遠志序補之康熙陳志黃序云順治庚寅喻公振芳與夏明經修而復之

謹按職官表作喻振未知孰是

清遠縣志

清佚

陳丹蓋修黃許燦夏雲等輯

北平故宮方志目云清遠志十一卷康熙元年陳丹蓋修夏雲等纂十一年馮臬強增補元年本四冊漫漶蛀損

阮通志云康熙元年壬寅修序見陳志黃許燦輯許燦時任教諭謹按黃許燦高要人任清遠教諭史府志稱清遠黃許燦誤

陳丹蓋自序云周官小史掌邦國之志則後世郡國之志所自昉也百粵郡邑肇於秦漢至明代而聲名文物頡頏中原顧郡之與邑在東南多濱海在西北多宸山其兼山海而弁冕全粵者爲廣州厥屬州邑十有六而地踞上游與韶接壤者爲清遠卽古之中

宿也邑僅彈丸耳然而山川疆域戶口貢賦與夫建置沿革人材物產之類不可無志以備採觀余自去秋奉命出宰茲土至則前令洪君暨邑諭黃君首以纂輯邑乘爲言余唯唯旣而思乙丑丙寅間家大父曾縮符於斯人物阜蕃號稱樂土今何如哉官無故署巷鮮居人郭門數武虎視眈眈方兢兢保聚之弗暇奚暇纂述且志之輯也有數難焉曷難乎爾邑經大創逃亡未復都里縮於疇昔田稅虞其詭匿則稽核難科派洊至賦額靡恆諸所修廢舉墜未有成議則畫一難故籍半付秦灰新聞慮有掛漏則攷質難矧忠貞節孝遠者久協輿評近者易徇情面壑舟可移幽芳莫闡則駁正難兼此數難而欲握管疾書遂成信史譚何容易黃君歛容起曰微公言吾固知其難也但曩志成於丙子續編止於乙未時至事易月移歲殊釋茲不修則後此蠹蝕愈甚憶記易遺雖欲

## 清遠縣志

### 卷十八

藝文

二

追輯不幾向海若而問浮槎乎余爲之躍然因以其任屬之黃君而不佞竭蹶催科稍從戴星一隙共爲商畧廼蒐之燹餘衷之諮訪訂其舊而續其新信者存而疑者闕取而覆覽焉雖具體而微庶幾險易之情形盈縮舉廢之變態蓋一展帙而瞭若指掌矣後之觀斯志者思其昔何以腴今何以瘠昔何以百爲具備今何以有待弗遑圖所爲整齊潤色者尙有以補茲之未逮矣乎

康熙壬寅清遠縣教諭高要黃許燦序曰志邑史也邑不問大小有政教焉風俗焉祀典賦役焉邑如清遠則又有衛屯焉江防焉抑又不可無志矣夫志所以傳信也攷清遠志經始於宋林公勳次則明張公欽搽而編之又次則隆慶丁卯陳公嘉謨有志而未果迨萬歷戊戌劉公幼學彙而刻之至崇禎丙子孫公麟復輯而修之稱美備焉迄明季兵革屢經遺板盡失順治庚寅則喻公振

芳與邑明經夏君雲修而復之亦既可信而可傳矣詎不一二年而雕板盡遭回祿有心風教者肯令全邑生面聽其汨沒乎歲己亥臘予承乏邑諭來自端溪一水相接奚啻桑梓日與邑中紳士縱談古今徵獻攷文以中宿勝地信史不宜湮墜且上臺經臨節次徵取竟無以應於是遍購遺帙凡數閱月乃得孫志全本與夏君所修鑿鑿不爽遂與洪令君謀其始幸今令陳公三長夙擅尤忻然樂其成而衛鎮薛公明經夏雲復昕夕左右之自愧學淺才拙安敢任修明之責但以文獻攸關義不可辭其自順治四年以前一照原本竝不妄參臆見四年後興革事蹟有關風化者據實直書不辭續貂之誚以備稽考間有掛漏未及詳採則因邑屆衝繁四郊多寇紳士父老多不暇及此者一人耳目有限統俟之罪我者

## 清遠縣志

### 卷十八

藝文

三

清遠縣志十一卷

清

馮臯強修

北海圖書月刊云清遠縣志十一卷共四冊馮臯強修北京學部圖書館存

謹按此書向未著錄各志序跋亦無及之者查馮任知縣在康熙六年上距陳丹蓋僅五載陳氏修志甫成馮氏斷無重修之事或陳志未刊逮馮蒞任乃付梓因而序之學部圖書館見有馮序卽題曰馮臯強修不知實卽陳丹蓋所修本今北平故宮方志目云馮臯強增補元年陳丹蓋本是也

清遠縣志

清

未見 劉士驥修

阮通志云未見康熙丁卯序載陳志

康熙丁卯劉士驥自序曰史記事之書也繫事於日繫日於月繫月於年以覈實也以傳信也邑之有志猶國之有史也故年隨時

而遷事亦因時而起此志所以歷歲月而必修也修者去其疑而存其信繼舊志而作也是以有年必書水旱必書風俗淳漓人物盛衰禮教興廢亦必書蓋謹以備太史之採擇誠重典也余固不敢忽而亦不敢專也茲幸際聖天子踐祚之二十有六年德化淪洽薄海內外咸受裁成上礪星辰下及蝸蠕無弗莫麗方封泰山禪梁父由翕河而祠四瀆考輿圖購遺書以廣幅員盛事以垂奕禩芳型而我大中丞李公復仰體天子右文至意崇儒重道徵獻考文取百粵之志而繙閱之訝其舊史遺編間多錯落比年光緒志比逸事尙未增修恐不足以稱上旨乃下其事於藩大夫藩大夫此誤下二千石二千石轉檄諸州縣莫不齋栗被濯振策珥筆黽勉將事而余涼薄譴劣待罪清邑歷茲六載六載以前某事得某事失父老猶能言其畧六載之間孰宜筆孰宜削則余之責也敢不延集耆儒周諮遺佚取前志而合訂之繼以近事以成一邑之書而上襄盛典乎是故縣城衙署別繪新圖記更置也邑里四署各著方名正疆界也學校必飭崇文教也兵數必核嚴軍實也禮樂田賦典章由舊尊王制也鄉試歲薦得士卽書重舉賢也德行之事可美而傳不過數輩竇慎毋濫節烈之婦未得其人不敢輕舉甯闕毋誤也至於詩歌詞賦非能表勝山川并關民事者削去不錄崇實黜華也凡此皆採集士庶之傳聞據一得之獨斷補綴卷末以續簡篇詎敢謂嘉言懿行一事靡遺亦庶幾於史之闕文云爾

清遠縣志十四卷

清存

陳哲修余錫純何邵歐觀祿朱昶黃乾劉以道等輯

阮通志云存乾隆戊午修

故宮方志目云乾隆三年修十四卷六冊

謹按順德郭志云余賜純字允文以歲貢任陽江訓導雍正中

清遠縣志

卷十八

藝文

三三

纂輯大清一統志總督郝玉麟開局粵秀書院錫純與焉後修  
清遠縣志詳簡有法何邵字青門由舉人薦舉博學鴻詞科觀  
祿昶乾以道皆邑人

乾隆戊午知廣州府事宛平劉庶序曰清遠漢中宿地也隸廣州  
上接大庾下接五羊爲採風使者颿檣所必經之地雖孔道巖疆  
素稱難治而得其政教亦易爲理是以君子觀於鄉而知王道也  
邑舊有志第多歷年所朽於粉蠹茲欣值盛朝重熙累洽治化旁  
敷諸憲臺撫綏樂育教飭周詳卽僻壤荒陬亦莫不振興蔚起此  
清遠之風尚漸移文行漸著所由來歟而猶未極其盛也自陳君  
知縣事以來諸廢畢舉百度更新悉前志所未載若仍抱殘守故  
不幾今後之閱者按籍考求致嘆於缺點也耶故邑人有重修邑  
志之請獨是志亦難然之矣夫邑之志猶國之史所以誌古亦所

## 清遠縣志

### 卷十八

藝文

一三

以誌今也惟在摭實不在飾辭竊爲闕疑以期傳信於來茲耳故  
志典謨所以尊聖訓也志形勝所以示扼塞也志版籍所以示隆  
替也志學校所以示風化也志賦役所以示正供也名宦則勸懲  
寓焉人物則盛衰關焉節義則人心繫焉土產則俗尚之奢儉人  
事之修惰存焉且史以紀古今運會之升降朝代政治之得失重  
在大綱大節於一切纖細不暇備載而志以紀一邑之事凡嘉言  
懿行潛德幽芳湮沒而未表著者則宜採訪備書借今日之闡發  
樹後此之風聲於以立人心道心之閑而存治法治人之鑑者未  
始不在於此然則志之與史雖體制各異而褒貶無殊亦一歸於  
興起創懲之意而已矣第考之前人於東漢則譏其迂誕於魏晉  
以下則譏其失體於齊書又譏其藻繪之變尤多其文益下今之  
操筆者若徒侈美談不求確據則其失也誣方且遺譏識者又烏

能信今而傳後哉今之修之也蓋本前志以去其似而存其眞省其繁而補其缺不沿襲於舊不遺漏於今其纂修諸家旣皆積學名宿又經賢有司參權考校吾知事必有徵言必有稽將來輶軒採取以備職方氏之掌故者必以斯爲實錄信史余亦藉以觀其修明已

陳哲自序曰乙卯冬予奉命補清遠甫就任欲周知其文物風土以資治理命索邑志而故板剝食漫滅不可復識復遍搜紳士家得原本乃知爲劉令士驥所輯者越今已五十餘年矣亟呼燈讀讀竟竊詫其國朝以來人文沈鬱科第晨星豈嶺南爲祝融之宅文明所萃今獨不鍾於清遠耶抑前志簡畧有未備耶久之習於其俗覺向所稱知名士亦不少概見乃知其風氣頹靡匪直曩爲然也予忝爲清遠長涼德菲材懼弗克副夙夜靡甯求所爲振作

## 清遠縣志

### 卷十八

藝文

一四

之者而不得旣而以公出境流覽山川恍然思藏風聚水之說理自不爽銅山東崩靈鐘西應安知吾輩不可以營建補造化哉歸而蹶蹶再四適上憲以大埔坪城工峻特蒙恩恤將先墊金一千四百兩有奇給補感激過望因念予鬻產急公分也與其貽諸子孫何如惠我清人爰召紳士告以故且備爲區畫凡遷學宮建縣署修城濬濠及奎光閣迴瀾廟等設計二十有四款于時僉拊髀雀躍曰我清人之福也再拜出爭相捐助鳩工庀材不數月而赫然改觀今而後毓靈儲粹當必有應文運而蒸蒸日上者惜予奉調行且有日不及身際其盛殊怏怏耳未幾紳士復以修志請且曰公之爲我清人心力瘁矣千百年沉伏之區一旦而雲蒸霞蔚吾儕其銘諸心乎而正不可不筆於書使後有覽者繼公起也予笑曰予何德而堪此雖然予與君幸相愛也今且別而故不忍別倘

輯此一卷或他時窗明几淨茶熟香薰倘一檢閱猶恍然置身於瑞峯泃水之間如與君講學課文時也此則予之志也夫况闡揚潛德予亦與有責焉爰聘廣文余君錫純孝廉何君邵邑明經歐君觀祿黃君乾茂才朱君昶劉君以道纂修凡兩越月而成書因次其始末如此以爲之序

梁鍾健序曰中宿古稱名勝上接滇陽下控秀水自梁朝以迄有明科甲簪纓連綿不絕至本朝前丁亥兵燹以還衙學壇廟各經殘廢因陋就簡僻處湫隘己亥歲遷建文廟於瑞峯山下然而制度草率坐向未精是以文運稍弱非復當年美盛余自癸丑來鐸斯土每與都人士相商及此而究苦於點金無術轉移匪輕乙卯冬義安陳賢侯始至嘆曰清邑地界兩郡之衝峽水中流洞府仙山鳳凰所集亦名區也何以盛衰疊改今昔殊觀如是意者人事

## 清遠縣志

### 卷十八

藝文

一五

之不修歟氣脉之無靈歟風水之有缺歟丙辰冬集紳士謀所以振興培植者僉議文昌學宮衙署以暨各處壇廟俱宜修葺陳侯卽慨然捐金一千四百餘兩延堪輿蘇君諱大捷相其來龍觀其形勢修建二十餘所而士民觀感莫不踴躍沿僉始建縣治居中以御重門洞開鳥革翬飛備極輪奐之美學宮則改向壬丙以正方位丹楹刻桷易僻陋而煥文明隍祠之毀者修之創建寢室爲神休息之所廟前鳳凰臺亦並新焉阿閣兆瑞於昔者或亦瑞於今也高東門以迎生氣築奎閣以振士風浚隍渠之闕塞使之交流以滙於江砥以大廟柱以迴瀾蓄滔滔之勢瀦而停之連築長堤數十丈引巽水而西注所稱長河如帶者未必不在此矣砌馬頭構官亭行人無顛躓之憂設義學建講堂士子有肄業之所而且兩學齋衙驛廳捕署莫不更新各有寧宇種種修建陳侯皆勞

心焦思力任而不辭曾不以簿書鞅掌少懈於其間也先是氣機所感文廟拆卸之日風雨飄其殿角塌其墻垣得非陳侯之所欲爲者天已爲之應歟邇來水之直者忽橫砂之瀉者頓起又得非陳侯之所已爲者地若効其靈歟將來氣運漸開民風丕變不特農桑富庶之克臻而禮樂文章之盛亦可徐觀於其後矣是陳侯之有造於斯邑者非目前之利澤實奕禩之永賴也勝事如斯奚忍湮沒無傳故懇賢侯增編邑志以紀其盛爰聘宿儒開局西廳刪繁就簡補其殘缺兩月書成命余一言以弁其首自顧菲材雖苦一言之莫贊躬逢曠典敢據數語以揚休自是諸生宜體德意淬礪奮發強學力行務使德重旂常名標史冊則芹藻飄香宮墻生色庶不負陳賢侯玉成之深心也夫是爲序

劉鵬烈序曰戊午六月陳侯修邑志成將以付剞劂諸生請於予

## 清遠縣志

### 卷十八

藝文

二六

曰夫子獨無言乎予曰山川土田建置沿革風俗淳漓人物臧否志言之詳矣予何言雖然志志政事之書也志古亦宜志今也今者汝陳侯之蒞清遠也三載於茲矣入炭穴而不淄酌貪泉而覺爽其天性然與而吾嘗見其折獄矣不畏繁難不怵權勢不事鉤索不煩滯留手批口斷而發奸摘伏有若神明今試問汝邑之利有不興乎弊有不革乎使汝父老子弟各安其居樂其業者非汝陳侯之可志者哉別者吾姑不具論卽如汝清遠萬山森聳蹬道盤空深林密箐雜於猺峒向者奸宄嘯聚東山西沒民莫如何自汝陳侯之來飭保甲嚴鄉練授以方畧聞有風聲卽行掩獲今則四境帖然市無夜閉之門村有閒眠之犬是則汝陳侯之力也又如汝清遠風土高亢民強而性悍卽婦人女子亦皆思鬪向之以命案報者日不暇給自汝陳侯之來單騎減從巡歷鄉村勤宣聖

諭曲爲開導示以法律之難寬曉以身家之可愛今則俗多雍睦人泯爭心伏臘歲時藹然相接是又陳侯之力也况嘗政事之餘出其學問與汝課文親爲評閱使汝文日新月異有可以掇巍科而登高第者皆汝陳侯之可志者也故吾不妨言之以補志之所未言亦使後之人覽志而慕陳侯者之或徵信於吾言也若夫陳侯之不惜千金以爲汝培植縣治諸處所者則志又言之詳矣予何言諸生曰善遂書而授之以爲序

清遠縣志

清

蔡夢麟張鈞修朱松齡輯

史府志云嘉慶間南城蔡夢麟會稽張鈞修

謹按光緒志祇謂張鈞修朱松齡輯稿存未刻云云並無蔡夢麟之名查蔡於嘉慶十二年嘗任知縣惟踞張鈞二十二年之任相隔十年豈蔡在任倡修至張鈞乃實行歟史府志自注謂

清遠縣志

卷十八

藝文

二七

據阮通志查阮通志並未著錄此書此則史府志之誤矣

清遠縣志十二卷

清

未見 郭鍾熙麥瑞芳朱潤芳同修

史府志藝文載此志於張鈞志之下止題國朝二字並無撰人名氏及年月序跋

謹按史府志錄此書並無撰人名氏或曰卽今所傳本查史氏修府志在同治六年而今存之光緒志乃修於光緒五年且卷數不符決非指此之也攷史志郭鍾熙列傳內有同治年正月開局修志之語則其藝文所錄者必是鍾熙之稿又攷光緒志羅煒序有同治年間郭君庸石已偕麥雪畦朱晴巖諸君子編輯舊志將告成功云云則此書確爲鍾熙所修麥朱二君亦與其役也茲故以鍾熙名錄之而附以麥朱二君焉

清遠縣志十六卷

清

存 麥瑞芳朱潤芳修

光緒六年知縣羅煒序云昔韓子有言曰莫爲之前雖美弗彰莫爲之後雖盛不傳是邑無誌無以稽軼事於既往誌不修無以徵實紀於將來己卯夏予承乏斯邑甫下車卽遍尋縣志蓋欲考其山川土田建制沿革風俗人物也惜兵燹後蕩然無存僅於麥君雪畦明府處得其手抄一帙而亥豕魯魚難以了了且係乾隆以前事知斯誌之待修也久矣屢欲與都人士商是舉以初蒞斯境案牘紛馳有志焉而未逮庚辰春賴漸達孝廉暨邑紳郭樂村明經等以新修誌稿呈閱并述纂修巔末求序於予乃歎斯役之屢修而屢廢也其殆將有待乎不然嘉慶年間朱君蒼山已採訪無遺悉心校訂將成信史矣何以兵火阻之同治年間郭君庸石憫其遺亡散失已偕麥雪畦明府朱晴巖明府諸君子編搜舊誌合併編輯將告成功矣何以宦途催之直俟遲之又久麥朱兩君解

## 清遠縣志

### 卷十八

藝文

二八

組歸田乃復集同事再參校將前所修志稿光之梨棗豈非待其時而復成歟至於舊者訂之新者續之信者傳之疑者闕之有年必書水旱必書風俗厚薄人物盛衰禮教興廢必書固已瞭若指掌反覆披覽知其可信今而傳後矣予固嘉麥朱兩君之善始善終且喜百數十年之盛舉聿觀厥成有守土之責者不得以譏劣辭因援筆而序之其能否與志俱傳焉則吾未之知也是爲序

主修知縣李文烜鑒定知縣羅煒倡修郭鍾熙總修麥瑞芳朱潤芳

謹按凡題方志之例必稱監修之人如阮通志張府志之類是也今此志有主修鑒定倡修總修諸職不知宜題何名無己則以年號繫之昔宋有乾道臨安志淳熙三山志元有至元嘉禾志是前例也故今稱之曰光緒志

昭忠錄四卷

清存

白熾勳朱昶編

謹接白茂才熾勳原著有昭忠錄一書詳載白忠節公常燦列傳世系世居及其著述朱廣文昶亦著有一書詳載朱忠愍公學熙列傳世系及其軼事查忠節公為忠愍公外甥志同道合共獎王室卒之兩公皆闔門殉節忠烈同昭白朱兩族因合輯茂才廣文兩先生之作另採明史通志府志諸書所載事實撰當日同事諸忠列傳及忠義祠始末附之共為四卷仍其舊目刊行附識於此

類函事鈔三卷

清未見

朱澧撰

見光緒志列傳

紅匪紀畧一卷

清存

白以文撰

中宿文獻錄云以文字樸石邑廩生目擊匪徒之殘酷及征剿之

清遠縣志

卷十八

藝文

二九

軼事按日記載凡自咸豐四年至十年之事皆詳之

郭御史奏疏

清未見

郭饑長撰

詳本志列傳

防韶援惠記

清佚

朱猷章撰

武功輯畧

清佚

朱猷章撰

見本志列傳

思誠草堂書錄一卷

清存

白居岐撰

見本志列傳

海外紀事六卷

清存

釋大汕撰

欽定四庫全書總目提要云汕長壽寺僧康熙乙亥大越國王阮福週聘往說法越歲而歸因紀其國之風土及來往大洋所見聞大越國者其先世乃安南贅婿分藩割踞稱大越卷前有福週序

題丙子蒲月蓋康熙二十五年也

南海縣志云海外紀事大汕詣安南時之作道光間寺僧猶寶貴之與藏經同貯今佚矣

萬卷樓書目 清未見 莫瑞堂撰

文廟史典 清存 莫瑞堂撰

向秉猷序之畧云瑞堂字書農遂安縣人由拔貢任英德縣教諭僑居城內新街著有萬卷樓書目及文廟史典

子類

抱樸子別旨一卷 晉佚 葛洪撰

見鄭氏通志畧

峽志云洪嘗隱峽山石樓峯及金芝巖唐永淳中在峽山葛壇石下發得丹鼎及遺書其語與內外篇合云

清遠縣志 卷十八 藝文 三

謹按洪書與抱樸子內外篇合者蓋即鄭樵所錄之抱樸子別旨也

袁氏傳一卷 唐存 顧夔撰

刻龍威山房秘書內

全唐詩小傳云夔蜀王建時給事內庭擢茂州刺史後復事孟知祥官至太尉

謹按傳志本人史類然此與下列神異志性質相同四庫以神異志近小說入之子類今從之

峽山神異一卷 宋存 王輔撰

四庫全書提要云輔里籍未詳是書作 光緒志書 例易 於嘉定戊寅輔時辟為瀧水縣令自叙謂予備員西征始聞峽山非常可駭之事始猶未敢以為然及觀前賢所記由東坡以來連篇累牘悉出於

名公鉅卿之口以其人之可信則其事必可信矣訪峽山集舊板散失於是哀集傳之然其敘述飛來殿謂至德元年峽有二神人化爲方士夜扣潁州貞俊禪師曰本峽居清遠上流吾欲建道場師能去否俊諾之是夕風雨驟作黎明薄霽啓戶而觀則佛殿與神像旣運至山中矣俊師乃於峯前石上安坐本淮南西路舒州延祚寺之所移其事涉於語怪是小說之支流非地志之正體也北京圖書月刊云峽山神異志一卷久已失傳乾隆間修四庫全書各儒臣乃在永樂大典內錄出別行始傳於世

征播撫苗錄十二卷

明 白元潔撰

備倭芻議四卷

明 白元潔撰

東官袁崇煥序云靜臣先生清遠人自遠祖廷用勦平猺賊功任指揮使世廕清遠衛百戶至公顯考世英字國重嗣職嘉靖三十

清遠縣志

卷十八

藝文

三

六年王靖遠伯大勦扶羅山賊檄爲嚮導有功升本衛千戶公生而驍果有謀勇善韜畧三十八年嗣世職爲百戶隆慶五年英德賊張廷光入境焚殺刼掠甚慘酷公剿之追至英德平之有功升清遠衛指揮使以善戰名於時萬歷十一年倭入寇簡授惠州碣石寨備倭把總倭刼海豐公擊退之斬百餘徒追至崎沙復斬五十級尋倭圍平所公又攻之解其圍已又戰於甲子澳別遣一校夜焚倭五舟力逼之賊果走海無所得渡因馘倭酋二賊徒二百眞倭五十二名盡殲之以功晉世廕千戶二十五年改漳潮游擊將軍時陳宮保璘協守漳潮重公智勇甚相得會倭奴國犯朝鮮奉旨調璘爲總兵官統廣東兵五千北援公提督千人以從抵山海關卽率艦游弋釜山浦忠清全羅諸海口緝倭賊百餘由是不敢窺伺適倭帥平秀吉死賊將遁歸公會諸軍暨朝鮮統制史李

信臣乘其半渡邀擊之賊走登岸又爲他陸兵所殲殺溺者約萬餘泗州石曼子以舟師來救行長於粟曳橋公偵知又協張良相等部領水師二十艦邀引之半洋力擊之焚其舟殺溺者數千餘殘賊退保錦山麻將軍貴以神機炮攻之賊倚巖洞險不能克公所部皆粵東蠻蛋奔騰游泳是所素習於是率登岸夜攀登山後殊死戰賊乃駭走諸軍分道追擊無一脫者行長乃棄順天城而遁是役也倭之焚殺溺死者二萬餘全軍幾覆論功以海軍爲首遂晉公都督僉事二十八年播州楊應龍反廷議分八路進兵調陳宮保爲湖廣總兵官公領東征軍以從由偏橋進戰之龍溪山賊退保四牌公進逼保兒圍力戰破之連破苦菜關時黔軍總兵童元鎮領黔兵三萬五千中伏敗於烏江全軍盡覆十無一還宮保公懼其威恐深入不利欲退師以待公力陳不可遂啓川貴楚

總督李公化龍趣諸道軍速進李公深躡之大加獎賚卽下令各軍並進於是南木橋進攻賊囤公率蠻獠之善奔騰險阻履險如夷者令由馬垵囤拔藤附葛啣枚疾上蛇行至囤後山背舉炮爲號衆軍乘之直破青蛇囤賊方自矜天險不虞兵遽至故各鼯睡遞聞炮聲惶駭無措驚潰奔逃被兵飲刃及相奔踐藉而死者無算由是乘勢攻破龍爪囤磨鎗了三關直抵海龍囤諸路皆集相持四十餘日會天大霽雨公率蠻蛋從泥濘中冒死衝其後柵放火器焚之吳廣軍又焚他柵乃得破其土城應龍自焚死公手刃賊將三人斬七百餘級並生獲應龍之弟兆龍播州乃平查楊氏自唐乾符竊踞播州傳十九世八百餘年至是而亡凱聞帝爲欣悅天顏甚喜兵部錄功晉公都督同知時皮林寨苗與九股寨苗黑脚生苗搆亂陷城戕官毒逋數載偏沅巡撫江公鐸命宮保

移師討之七道並進公率部爲右翼攻持洞寨破之生擒苗酋銀  
供已又追賊酋永祿於白冲山誘之出戰殲其衆萬餘於洪州西  
苗酋吳國佐石專太逃走爲廣西兵擒戮之皮林諸苗悉平錄功  
晉公世蔭指揮使是時宮保爲總兵公分領其衆巡撫郭公總督  
李公奏調爲貴州總兵官三十一年播州餘孽吳紅等復叛巡撫  
江公以公軍驍勇善戰且習地勢調公兼爲臨沅參將把截播賊  
公抵任卽分布偵察搜殺逆賊數百吳賊乃平且上書摺陳謂宜  
革去土官改設流官分割播地設立知府庶地方有久安之日云  
朝廷俞允卒以播地改設遵義平越兩府分隸黔蜀至今地方安  
靖公之力也尋調掌廣東都閩事剿殺亂猺流賊三百餘總督上  
其事疊荷敕書嘉獎賜珍物六事眞異典也人皆榮之輓近以來  
吾粵內有猺獠流賊之亂外有海賊倭奴之患四 之地無一

## 清遠縣志

### 卷十八

藝文

三三

寸淨土吾民苦之衆方倚公爲屏障然天不憖遺一老竟終於某  
年月日殊可哀也公子二長君檣承襲清遠衛指揮使少君模積  
戰功由百戶升連州守禦所千戶公好讀書善文辭著有征播撫  
苗錄十二卷備倭芻議十五篇共四卷嘗上之都御史甚韙其策  
通飭海防諸軍一體行用每收奇效余昔往還京師道出清遠承  
指揮君出乃祖景昕公之武安兵畧及公所著伏而讀之見其所  
議動中機宜昔者晉江余君大猷以易經推演兵家奇正虛實之  
權謂兵法之數起於五猶一人之身有五體雖將百萬之兵可使  
合而爲一迨提兵南北鏖戰東南皆能一一演之實用屢立功勳  
始信其胸中早有百萬甲兵也今公之芻議其意主於分四正隊  
四正之外又分四翼此則古八卦陣之遺亦卽古兵法四正四奇  
之義其與俞將軍之立論雖似不同然變化易理深得於韜畧之

精者則一余見天下多故不敢輕自菲薄亦嘗有意經世之學集古兵法而揣摩之核與芻議所論深吻合而無間洵近世之傑作也故博羅葉先生夢熊序而亟稱之茲承指揮君奉書走价示以行狀屬爲序傳以備太常之徵其孝思尤厚寧以不文辭謹序其功業行誼之尤者如右

還樸錄

明 鍾于田撰

見光緒志列傳

徐公家語

明 徐兆鼎撰

見光緒志列傳

謹按史府志藝文引作徐氏家語未知孰是

武安兵畧五卷

明 自日晟撰

中宿文獻錄云何尙書維柏天山集有武安兵畧序而陳象明亦

清遠縣志

卷十八

藝文

三四

刻此書於古今兵畧一百三十卷內

黃司馬格言

明 黃士謙撰

黃氏族譜云士謙舉人官夔州府同知著有格言刻族譜內

兵法

明 朱士諒撰

粵徼利書

明 朱士諒撰

邊防緩急

明 朱士諒撰

見陳邦彥巖野集附錄朱學熙列傳

壁觀四卷

明 朱士諒撰

家誠二卷

明 朱士諒撰

見黎遂球蓮鬚閣集朱少貞先生列傳

南越廣艾

明 朱學熙撰

史府志云南越廣艾集見巖野集

黎遂球序云東坡有艾子艾之爲言人不能解朱叔子曰蓋灸火者痛不可忍令人多說絕倒解頤事以分其意故以雅謔爲艾子於是廣之得若干事皆就所見聞故曰南越廣艾子則以艾之爲說著自孟子仁是也孟子曰惡不仁者莫如貴德而尊士世之衰也其爲士之有德者率卑且賤於是無聊無用以清談消日此艾之所以爲談謔也其在古也則爲定命遠猷一曰艾艾口喫不能出也昔者劉伶以酒閉關故後之有志者雖不得醉亦不敢陳說時事而隱於放言故如鄧艾之不能言艾艾言之如此而已今叔子之爲是書也其何居耶後之讀者知之

謹按黎忠愍序所言實屬子類史府志光緒志列於集部且直稱南越廣艾集大誤茲依黎序訂正於此

五行通氣

清佚

劉鳴泰撰

清遠縣志

卷十八

藝文

三五

風水邑監

清佚

劉明泰撰

見光緒志列傳

謹按此書光緒志兩見而書名互異一錄於藝文者作五行通義一載於列傳者作五行通氣未知孰是據列傳云鳴泰究心星易之學則此書亦術者言也

閨範八卷

清佚

白加彩妻夏氏撰

白氏奕葉傳芳集云恩貢生加彩字綏朝清遠知縣夏崇謹初見其才貌重之且以其由小三元進庠意其前程遠大故以侄女妻之而夏太君性淑懿深於文學嘗編女訓姆訓小學及自古格言之屬於女子者自內則以下分類編輯爲閨範八卷設講院以教

婦女

尊生輯要四卷

清未見

朱

撰

見光緒志列傳

岐軒管豹三卷

清 朱松齡撰

朱松齡撰

見光緒志列傳

思訓錄一卷

清 郭鍾熙撰

郭鍾熙撰

道光癸卯郭志融跋云薦臣先生諱汝鶚積學不遇修身力行鄉黨宗族咸稱之融於先生爲族弟其嗣君次修孝廉則融之受業師也能繼其志行以顯於世綜述先生之生年庭訓以相示因付剞劂以廣其傳嗚呼積真斯發潛德之光貽爾子孫懷允不忘先生之風自茲遠矣

教諭語纂要一卷

清 郭鍾熙撰

郭鍾熙撰

提督廣東學政戴文節熙評云受用過人函天蓋地之語精妙不減呻吟

清遠縣志

卷十八

藝文

三六

道光戊戌郭鍾熙自序云學校之設所以培植人才故府有教授州有學正縣有教諭復各佐以訓導一若訓之惟恐不周課之惟恐不密誘掖而獎勸激厲而裁抑之惟恐不詳且盡焉固將以收得人之效也居是官者宜如何殫心竭力以仰副國家育才之意乃因循日久諸生之於教官或歲僅一見或於學憲按臨時勉強一見甚則竟絕迹而終不一見而教官亦遂安於寒氈冷署中惟按季傳題課文以是爲盡職而已歲乙未客遊閩中欣覩安溪司鐸侯官謝君金鑾所述教諭語四冊喜其親切有味手自錄之藏於行篋今來珠浦亟欲集諸生而申其訓課而諸生之進謁者寥寥雖欲殫心竭力矢訓課之勤孰從而聽之因取謝君教諭語擇其最切要者纂輯成篇並原其四冊序列先後之意付之梓人俾諸生人手一編卽散處數十里外當不啻耳而提之面而命之

庶幾棧樸菁莪克自振拔爭自濯磨各裕其才以爲國家用云爾然非卽以是爲殫心竭力而無餘也奇共賞疑共析諸生其勿以迂腐見疎幸甚

學約一卷

清未見 溫日貞撰

地理解惑

清未見 溫日貞撰

見本志列傳

麗江醫案二卷

清存 黃麗江撰

中醫年刊李蔭侯著論云麗江道咸時邑中名醫其醫案所論極爲精明陳修園諸書每被其糾正云

陰騭文傳注

清佚 白維瑛撰

竺山舊話云維瑛字珩琮好善樂施予嘗自注陰騭文傳去其鄙俚之詞純易爾雅之筆自刻之分贈省佛於是文人始有厲目者

清遠縣志

卷十八

藝文

三七

而感化之效乃大著云

午夜清談

清未見 徐韶峰撰

歐應如題詞云百家諸子載言繁宋寶唐虛盡信難辛苦釀春園內客編蒲緝柳釀稗官萬古人生代謝尋虛庭涼月感秋心挑燈看爾清談罷鳳脰凋紅絡緯吟

離魂曲傳奇

清未見 陳如柏撰

歐應如題云如柏字青枝阮制台之通志局採訪使儀克中到邑徵青枝著作詩有云牢騷曲板離魂傳歌曲情懷射鴨堂又云不諧時俗愈知名天上人間兩有情可惜東來採訪使遲來難與玉

樓爭

正榮堂樂善日記三卷

清存 白齊芳編

向秉猷序之畧云夫天之生人也有智愚窮達之分其不能等而

齊之也理也亦勢也惟賴智而達者以其所長而補愚而窮者之  
不足以相救濟然後乃能維持斯世於不敝故聖人云君子窮則  
獨善其身達則兼善天下旨哉其言但天下之達者多矣而求其  
能有兼善之心吾亦不多覩焉惟修華白公市中商也吾鄉人以  
其忠厚誠實多趨之交易焉不惟有久敬之義且有昂斛之風或  
貸以穀種或資以牛隻或假之旅費或因勢而教導婚喪窮苦者  
告之無不應鄉人感其義爭赴之營業日盛馴致素封卽兆尼之  
祖也兆尼出樂善日記三卷求序讀之上卷爲歷次報効累獎知  
州銜之執照及誥封祖父之誥軸也公跋曰余少貧不能揚名顯  
親今值海防饑荒之急應當盡力奉公且亦可以少報父母劬勞  
之恩非徒榮身也中卷錄先言格言及應驗良方百載條其淑身  
淑世之心可以概見下卷則其進支數目也計其所記如伯子負

## 清遠縣志

### 卷十八

藝文

三九

債早死公助三百金爲完欠贖田俾孤孀得以撫孤守節其妹適  
江早孀公歲給田穀三十石終其身撫孤成立太高祖以下皆權  
厝公捐資築墳以妥之薄嘗者又置祀典焉其孝友睦婣如此歷  
年施衣助藥贈棺數百具建造大小石橋二十二度捐助碼頭石  
一副捐修道路五十里合共六千五百餘元其利濟之心可瞭然  
矣卷末附盧孝廉維鈺贈詩李孝廉伯興修橋序皆詳其任卹之  
風者公以血汗所得之貲未致鉅萬乃能兼善若此謹參以平日  
聞於鄉人之言而序之

## 漢儒性理四卷

清存

白居岐撰

向秉猷序之畧謂漢宋之學多分門戶君謂欲明聖經須先訓詁  
此則漢學爲長然宗儒義理多出漢籍之中因採董仲舒賈誼諸  
儒及傳注之言義理者爲漢儒性理四卷溝通漢宋之學足與陳

東塾之漢儒通義相爲表裏云

願學錄一卷 清存 朱品端撰

山居瑣記二卷 清存 朱品端撰

兩岳族譜云品端字子莊國學生縣府試屢列前矛著有願學錄一卷山居瑣記二卷

綽有餘齋文稿一卷 清存 白雲初撰

廖清浦序之畧謂雲初原名謙泰字春畦少力學小試屢列前矛而不售卽從其父記名總兵寶山公軍中彙案奏獎五品頂戴雲初性勤學而深沉凡九章算術地理擇日醫卜星相諸書罔不博覽並無師承惟苦心研究耳而卒皆暢通故能以算學考錄經古世共稱之其於醫術尤爲精明晚年懸壺問世每多應手而愈所著文稿一卷俱記事及醫案爲多議論亦極平允云

清遠縣志 卷十八 藝文

四

算學淺釋四卷 清存 伍毓華撰

代數淺釋四卷 清存 伍毓華撰

遵章小學算術教科書八卷 清存 伍毓華撰

廣州編譯公司印行詳本志列傳

詩韻韻語撮要 清存 梁永球撰

詳本志題名錄

同光雜錄一卷 清存 白居洲撰

白氏譜云居洲字雪波性聰慧尤強記少充清遠營書吏熟悉掌故同治光緒間之雜事錄爲一卷嘗以軍功彙案保舉六品頂戴享壽八十歲

燈待百卷 清未見 釋大汕撰

見峽志列傳

傳燈正宗二卷

清存

釋一至撰

板藏長壽寺

防潦芻議一卷

民國存

林昌秀撰

民國二十一年九月陳可鈺序云吾邑位居北江下游凡遇水患適當其衝去年大水邑中舉代表來省告賑鈺以敬恭之義所迫不敢不効微勞繼思如此隱患若長恃仁翁善長之救援殊非善策未幾各縣舉報水災又至心愈不安究竟如何方足以善其後鈺衰病侵尋輾轉床褥終一籌莫展今承林君實初貽我清遠防潦芻議一書瀏覽至再其設計使幹圍鞏固支流堵塞河床日深水速歸海諸大端適與治河處計劃相吻合對於籌款亦詳加解釋人人易曉良由林君於役賑災數四兼之生斯長斯有切身之痛故所建議斟酌當地情形并參考近代治河諸書說無一不由

清遠縣志

卷十八

藝文

四一

經驗得來誠唯一防潦良好方法有價值之書吾邑父老應人人手一册使此計劃早日實現令將來水患無由再見豈非桑梓莫大之幸福耶

同時朱汝珍序云辛未夏我清遠猝受水災慘酷情形爲百年所未見汝珍適旅香港主我邑公會事呼將求助承各善團慨捐鉅款先施急賑繼築秋欄饑溺關懷令人感篆慮支配之不當乃以屬我邑商會林君實初以實初嘗親歷各基圍搶救賑濟洞悉災情輕重也事竣而遠近翕然今夏多雨各基復數瀕於危實初爲一勞永逸計本其經驗所得撰爲清遠防潦芻議貢之鄉人其計劃之精在一面固築基圍同時完成鄉路害旣去矣利卽以興吾鄉人能忍痛兩年實行其計畫乎此則汝珍所厚望者已

集類

邵謁集一卷

唐佚

邵謁撰

宋陳振孫書錄解題云唐國子生曲江邵謁撰集後有胡賓王者爲之序言其歿後降巫賦詩自稱邵先輩殆若今世請大仙之類歟

宋史藝文志唐邵謁集一卷

阮通志云邵謁集一卷存

謹按廣州人物傳云嘉靖間黃佐得謁集於秘閣梓之傳世惟未著卷數今阮通志謂謁集存者不知何本據劍花詩集及光

緒志云夏雲輯本今佚不存則阮通志所錄者今亦不可見矣

邵太學遺集一卷

清佚

夏雲輯

史府志云按書錄解題云唐國子生曲江邵謁撰集後有胡賓王爲之序而廣州人物傳謂謁本清遠人後徙曲江最後徙翁源家

清遠縣志

卷十八

藝文

四一

焉善吟咏有詩十集據此則謁固清遠人今詩一卷蓋國朝清遠夏雲所輯錄也

光緒志云按舊志謂夏雲輯謁遺稿行世則謁集蓋久佚而阮通志乃云謁集存者疑所見爲夏雲輯本今則輯本亦佚矣

邵太學逸詩集二卷

清存

白居易編

白元章序之畧謂吾邑蘊二禺筆架而山之秀生其間者每鍾厥靈據縣志所稱晉有張魴齊有盧度諸賢至唐而有邵太學謁其詩爲有唐之名家原有十集今已不傳卽國朝夏雲輯本亦不得見殊深惋惜幸我先叔鳳山公探討載籍陸續搜編輯成一帙皆其零璣碎璧也公性孝友厚重沈默絕無嗜欲惟好學手不釋卷自奉甚約至購書則不稍吝經史子集購藏甚衆每見邵氏詩卽手錄之且又爲之校訂硃墨縱橫其於戰城南一首武皇重征伐

句諸本不同有作王字有作皇字者公則據錢氏杜詩箋謂唐人稱明皇多云武皇如杜甫詩武皇開邊意未已王昌齡詩白馬金鞍從武皇韋應物詩少事武皇帝等皆指明皇今應從淵鑑類函所引作皇字爲宜餘如學仙詞諸本皆漏去數字公則以縣志所載者補之其他參引援訂校正良多雖未能後其原書而綴輯遺逸之文稍存梗概使從千載之後得以窺豹一斑真可謂邵謁之功臣也矣逸詩集內首列廣州人物傳一篇章謂傳內溫庭筠主試一節阮通志已闕其妄曷不刪之公云庭筠以太學博士主秋試日嘗榜李濤衛丹張郃等詩於都門以振公道蓋謁同在是科也詳見李濤詩集灼然可攷何得謂妄雖庭筠以進士下第然唐時科目繁多或由他途進身此例甚衆所謂秋試者卽鄉貢之會攷與進士之禮部春試之不同也查庭筠嘗爲襄陽從事徐商執政欲右之會罷相不果楊收嫉之乃謫方城尉終於隋縣尉由太學博士左遷縣尉故曰謫也阮通志止知其進士下第而不知其嘗官博士而又誤會鄉貢秋試以爲主試禮部遽指爲家乘臆造殊爲疏畧今宜從人物傳錄之云云阮文達世號洪儒其通志最稱精審公竟政其譌誤其學之淵博可知苟假之年其搜輯遺詩吾信其必不止此也云

朱汝珍序云有唐肇興以詩賦取士王楊盧駱四傑騁於前李杜白韓諸賢繼於後粵嶠蘊秀人文聳奇張文獻軒翥於曲江莫別駕奮飛於開建其著者也吾邑俯瞰穗垣挺生英彥而卓爾大雅尙不多覩至唐末皇綱解紐閹宦竊柄宰相溺職藩鎮阻兵乃有一士秉性方剛憤時嫉俗寓意諷諫感懷命篇吐辭如散落珠璣醫國實臚陳藥石如邵太學足稱焉太學少貧爲吏不合而退發

憤讀書學成爲有司所舉溯其遭遇則黃裕文阮達文通志微有異同

考其遺集則胡王實夏石文所輯已多散佚可考見者忤縣令忤時相

所如輒阻徙曲江徙翁源家居靡定而已茲不具論第受所存詩而讀之覺精心密運寄慨遙深古音獨操清標如接如論政而遽防失國憂股肱之不良憫農而轉憾豐年惡富豪之虐取至若甲科下第根柢自愧其未深從弟省親芝玉惟期其善植讀東野集惜名士之遭時過金谷園感美人之抱義乃至寒女瞽者能道其苦心戰士征人咸憐其瘁况是皆扶植名教繫念國家舉凡朝野之理亂居遊之欣戚骨月之離合遭遇之窮通靡不綿邈寸衷流行腕底可謂高下在心洪纖合度者矣惟是全唐詩鈔未錄遺著四庫別集尙闕芳名得白鳳山先生掇拾殘篇哀然成帙詩者持也符要義於雕龍過而存之見一斑於窺豹後之讀是詩者當欽

## 清遠縣志

### 卷十八

藝文

四四

其性情之正勿徒取其詞句之工可也汝珍爲鄉後學懷先哲人宜闡幽光用詔來軫然學殖荒落俗氛蔽翳豈能爲正譌補闕析疑辨異哉諷誦之餘神往而已

民國二十三年清遠縣長吳鳳聲序云詩有別材非關書也詩有別趣非關理也然非多讀書多窮理則亦不能極其至邵太學於書無所不讀於理無所不明凡所爲詩深厚麗密平易近人固與白樂天相伯仲而其志之所在鳴之以詩藉以發聾啓聵廉頑立懦者激昂慷慨旁若無人非特稭旨清峻阮旨遙深實足以驚風雨而泣鬼神邑故紳白公鳳山經明行修博覽群籍凡見有邵太學之詩者輒爲錄出訂正編爲邵太學逸詩集二卷蓋慕邵太學之志而思有以繼之也篇首爲貞女墓戰城南旣爲世之寡廉鮮耻好勇門狠者痛下針砭其論政及送徐羣宰望江兩詩仁民愛

物之誠溢於言表中有今人力文學所務惟公卿二句尤足以諷未俗而挽頹風其他瀟灑出塵清超拔俗琅琅大雅之詞難以徧舉要之不離乎言志者近是清歐應如先生謂吾邑素少聞人迨唐始有詩人邵謁至是而山川草木爲之生色吾謂清邑不乏文人而能與邵太學同其志趣者蓋寡今白君玉書任縣修志局分纂知其先君之志與邵太學同出其所編邵太學逸詩集二卷屬爲之序以餉邑人使皆邵太學終身不第而名著千秋可見人之所以能名世傳後者固在學問道德而不在功名富貴也從此而講道德說仁義民德日厚民俗日淳同躋於治平第一之域則所謂山川生色者又在此而不在彼矣是爲序

戴御史詩文集

明 戴雲 撰  
佚

見中宿文獻錄序

清遠縣志

卷十八

藝文

四五

白鄉賢詩文集四卷

明 白璿 撰  
佚

御史黎貫序云在衡先生清遠之理學淳儒也聰穎好學幼稟庭訓十二歲卽通毛詩時有神童之目十四歲補博士弟子員旋食廩餼中辛酉科第二十九名舉人屢戰春官皆自甲移乙人莫不惜之庭試於朝列一等例取知縣詎公猶未絕意於玉堂也不拜命往來京國道出江西因迂道投吳徵君門講明性理之學盡傳其道尋辭赴禮闈仍不護第謁選授縣令公以不樂繁劇辭遂改授太平府教授兼任司訓公喜曰吾將以吳夫子之學傳之天下矣蒞任日卽躬抵明倫堂進諸生而訓之以伊洛關閩之學諸生忻然合郡士子不遠千里負笈而執贄於門公一以吳徵君之所學而教之而諸生亦以公之殫心樂育善誘不倦均循循率教雖七十宿儒猶且北面而受業公於訓課之餘凡職權所及罔不力

任如學宮圯陋則捐廉倡修士子寒峻則資助膏伙歲值荒歉則  
倡議賑饑太平舊俗諸生初見則苛索門封士子進身則重勒印  
金公到即禁革之舉行鄉飲之禮人皆重焉迨以老告歸諸生父  
老依戀如孺子之失母也去之日扳輿者載道祖饌百里之外競  
投詩詞謳歌數百首積成一帙尋且請祀名宦焉公回籍日優游  
吟咏與新會摯友蔣希舜等同結詩社越台一時名流咸萃群稱  
有南園之盛云陳白沙者固吾粵之洪儒也其學雖出程子之靜  
坐然其立論獨以澄靜養出端倪爲宗旨顧亦嘗問學於吳徵君  
但爲時不同而其相聲聞也久矣公與蔣君勝山水之游嘗登高  
至厓門白沙先生聞而邀之碧玉樓相得益彰彼此傾吐其所學  
於是而吳徵君之學亦燁燁光大矣白沙稱公鳶飛魚躍盎然粹  
然真可爲穆如春風者也故書額贈之公能自然無欲優悠物外

# 清遠縣志

## 卷十八

藝文

四六

胸次浩然其亦程伊川先生之徒歟故其爲詩有中晚一種飄逸  
冲淡之致惜因兵火燬去大半今存唱和詩四卷白沙贈公與諸  
友會飲白沙詩原註云陳先生贈公會飲白沙詩云黃菊有佳辰  
良朋樂呼喚爭持淵明杯來接子桑飲落葉迎馬  
鞍斜暉轉沙岸雨聲靜秋竹池影入江雁酒錯獨高歌呼兒續我  
斷諸君惠肯留十觴亦十算曾無孟嘉帽且免落影亂百年曾幾  
何去者已強半來今今在集內其雍容瀟灑如此足見淳儒之風  
度也邑人縉紳欽其明德故聯請祀於泮宮焉貫幼聞長者之風  
久深仰止茲令孫瓊輯其遺文屬爲集序余不敏於詩固未能領  
畧也謹照黃祭酒所誌行誼次之以序於卷端焉

謹按黎貫字一卿正德進士翰林庶吉士陝西道監察御史見  
明史文苑傳希舜卽蔣濬新會人正統九年舉人官至潭州同  
知通志列傳稱其工詩好吟詠嘗與諸名士結詩社云至黎序  
所謂黃祭酒所誌行誼卽黃文裕所撰先生墓誌也惜剝泐已

甚僅見廷器踐履篤實有志於儒先二句餘難句讀以致行誼

莫詳

芝松詩集

明 李輔 撰 佚

見史府志藝文 阮通志云未見

癡菴集

明 楊憲 臣 撰 未見

見陳遇夫白沙門人錄

治安策十二篇 兩京十三省四夷咸賓賦 遊燕集 鍾音集

龍山築

明 孔煦 撰 佚

史府志云見張府志

光緒志引舊志云詳見戶部郎前博士門人彭津誌中

鳳臺詩選

明 初集白榮 編 二集孔煦 編 三集李沛 等 編 佚

見本志列傳

# 清遠縣志

## 卷十八

藝文

四七

中宿文獻錄云何尚書維柏天山集有此序

凌敲草廬稿

明 朱珂 撰 佚

麗藻叢珠集

明 朱珂 撰 佚

見本志列傳

扳轅集三卷

明 白瓊 編 佚

從化黎民哀序云吾友白瓊字廷器乃鄉賢名宦在衡公之冢孫  
理學淳儒泰泉翁之高足也幼承庭訓文章爾雅詩尤雋永前年  
院考列第五名例得附生時張太岳當國政主綜覈核減州縣學  
額前本八名者至是忽減半因而落第瓊則淡如也尋赴禮部攷  
錄充場儒士北闈亦薦而不售人皆惜之少與吾兄弟民表民衷  
游相得甚時寄詩筒越宿卽至其家傳爲騷壇住話乃祖在衡公  
任太平府教官有德政去職日諸生父老祖餞百里外競投詩詞

謳歌共計數百首積成厚帙尋且請祀於名宦祠君集其公文咨  
文牒呈詩詞共爲扳轅集而以崇祀鄉賢之公呈附之共爲四卷  
吾兄維敬云廷器此舉可謂孝思不匱者歟卽此足徵兵所學也  
故南園社諸子並敬重之云

白氏奕葉傳芳集四卷

明存

白仕荷編

清白海白元章續輯

中宿文獻錄畧云仕荷號蓮舫南闈儒士孝悌博洽彙編光祖宗  
人之著述爲奕葉傳芳集三卷分內外篇族中所作者爲內篇別  
姓投贈者爲外篇何象岡相國爲序之康熙間處士白海字晏先  
輯爲續集南海關太史上進爲之序光緒間白元章又續之附凌  
昭公四會德政文彬卿公萬州去思碑及序跋合原書共四卷

寥寥言文集

明佚

鍾萬春撰

見光緒志列傳

清遠縣志

卷十八

藝文

四八

王霸論

明佚

朱士諒撰

巖野集云士諒臨終以所爲王霸論邊防緩急粵徼利害授其子  
學熙云

十九峰主人文集

明佚

朱士讚撰

朱氏族譜云士讚有十九峯主人文集

戈餘詩草

明佚

張嗣綱撰

炳燭餘篇六卷

明佚

朱士諒撰

康爵堂詩草四卷

明佚

朱士諒撰

見蓮鬢閣集朱少貞列傳

花阡題詠集十一卷

明佚

朱學熙編

巖野集云學熙嘗聚落英而封之南禺號曰花阡 峽志云叔子

有花阡詩集

謹按此稱花阡題詠集蓋有詩詞歌賦序跋銘贊諸種在內也

光緒志峽志題花阡集未當

朱叔子集 明 朱學熙撰

史府志藝文

晚成堂集 未詳撰人

光緒志錄此書云未見國朝人撰姓名未詳書目見二禺峽志  
謹按此云二禺峽志不知何本攷順德陳元孝先生年譜有晚  
成堂杭堇甫嶺南集有過晚成堂詩云育賢坊路近是也陳元  
孝既非清遠之人晚成集亦非厲公之作不當著錄但遽刪之  
又適滋疑故訂正而仍錄如右

夢草山房文集 清 謝超文撰

見光緒志藝文 史府志云存

清遠縣志

卷十八

藝文

四九

步月樓詩草 清 清遠名媛王素雲撰

溫汝能粵東詩海云素雲清遠人 阮通志云未見

古直堂詩集一卷 清 歐觀祿撰

思誠草堂書錄云古直堂詩集一卷乃歐珠編輯共古今體九十

八首

律陶詩集 清 歐觀祿撰

見光緒志列傳

南山文稿五卷 清 朱澧撰

南山詩草三卷 清 朱澧撰

見光緒志列傳

射鴨堂詩集 清 陳如柏撰

鴛鴦樓集 清 陳如柏撰

歐應如題詞云野塘村外小橋通混跡漁樵屋半弓竹徑我來尋  
蔣詡草亭誰識有揚雄室圍板壁藏詩卷座抱佳兒課學童謝却  
時名守眞素愛君多少古人風醉裏吟邊引興長盡抒奇氣入詞  
章牢騷曲板離魂傳歌曲情懷射鴨堂雷雨六丁窺秘笈屢屢千  
古護芸香集橋知已江門友此外誰堪示錦囊

郭明府詩集

清

郭見猷撰

歐應如題詞云經綸餘事作詩人賦物言情筆有神萬里笑吟燕  
與粵一鞭驅策晉兼秦河山入眼詞如雨花月抒懷氣若春已見  
勳華歸國史此編聊復寫天真

香芸齋詩文鈔五卷

清

朱松齡撰

見光緒志列傳

劍花草堂詩集五卷

清

歐應如撰

清遠縣志

卷十八

藝文

五

謹按此集今存古今體詩三百九十五首編爲五卷昔聞故老  
謂咸同間吾粵極重詩文會清邑亦有禺山滇江諸詩社當時  
詩人以應如及庠生黃世鉦爲首省佛詩會常冠其軍云

胡晤琴詩集

清

胡應江撰

歐應如題詞云晤琴予先母族舅也諱應江乾隆間廩生聲名藉  
甚工琴詩入唐人之室數奇年五十餘卒著晤琴詩集題之以詩  
曰太息斯人去惟餘心血存詩能泣神鬼事豈僅兒孫地僻才多  
晦天荒世莫論名山千古業何處問吟魂

劍花草堂別集二卷

清

歐應如撰

思誠草堂書錄云劍花草堂別集二卷乃歐頌九先生遺稿其中  
有詩一百餘首有重修書院序重修華嚴菴序擬建萬壽宮啟各  
篇蓋其雜稿也

芥舟詩草 清未見 陳隸圃撰

見劍花草堂詩集

嶽峰文集 清未見 黃鍾靈撰

見本志列傳

嘉樂堂吟草 清未見 朱猷章撰

見本志列傳

時行堂文集 清未見 郭見鸞撰

見本志列傳

從軍圖題詠集一卷 清缺 郭見猷編

郭氏族譜云嘉慶甲戌乙亥間盟匪害良擾及清英廣寧懷集等縣蔣制軍委張參戎剿辦委見猷參贊其間廣布方略卒獲盜魁孟四陸六等平之擢為襄垣令繪從軍圖贈之士大夫多為題詠

### 清遠縣志 卷十八 藝文 五一

積成巨帙今為蠹魚蝕去過半矣將其存者錄之

謹按郭氏族譜今所錄者有見猷自題一首其餘則龍元任陶廷傑程懋采羅文俊林喬梧李連城蔡勳賴大受陳雲何允成陳鏊洗昌期王惟詢歐應如郭見鸞郭鍾熙李紹昉卿祖培陳繼昌况澄等各數首散失者多矣

寸草堂詩集四卷 清存 向陽撰

謹按此集四卷計古今體五七言詩三百六十餘首按年編次其詩題詩注所系事實足補方志之不逮集中竹枝詞三十四首則四屬之風俗系焉餘如蕭知縣 注云劉楊蕭三侯縣考皆前列 陸典史

有陸二尹計策資糧詩 祝典史 有護祝少尹至大岡 李把總 有李把戎子脚村住宅暫廬詩 暢奉程公手

約為一聯鄉等今縣志職官表皆缺如此可補方志之職官者也

如四年失城 詩注云四年七月十一夜奸弁開北門潛逃賊從此而入平日善類多從賊 五年復城

詩注云五年三月六年困城七年解圍詩注云六年十一月初五日

旦渡海圍困南門至十三日兵勇齊到及三轟東門火炙南門

乃解南門圍二月二十三日全城解圍

等今縣志前事類所載不詳此可補方志之故事者也又如陣

亡士女員如龔生廷獻陣亡四會生等今縣志皆缺如此可補方

志之列傳者也其他遺聞軼事有助於掌故者不少即其平生

事跡如三年石角堤崩則奉官委以督修委有石角堤崩奉憲紅

匪圍城則聯鄉約以復城和七月廿一日聯人和約詩又有人

復訂期復城詩又督勇復城凱歌詩族匪為害則持大義以滅親有族賊逃

殺思為亂有又復巡城浚濠隨同湯守戎督浚西濠詩救火督

陣有火炙南門督人救熄詩又保全聖殿時薪柴告竭有拆聖

詩有隨勒鎮台西岡督陣詩又保全聖殿殿者同鄧把戎力止

竹趣館詩集二卷

清存

郭鍾熙撰

清遠縣志

卷十八

藝文

五一

焚餘詩草二卷

清存

郭鍾熙撰

咸豐九年郭鍾熙自序云詩本人情該物理三百篇而後漢魏猶存古風類皆言情之作唐宋以來始有近體取士以詩賦故五言七言排律必以整練為工沿及國朝骨力氣格風華典贍各擅其勝矣余少侍庭訓惟日課以經學年十六始操筆為文從邑明經朱立齋夫子孝廉朱天池夫子遊頗見器重然於詩學概未之及也年十九因老父館穀不能給家食且謀舌耕少為資助是年即補弟子員學使彭春農閣學歲試按臨預以排律百首督課率以五經命題因於課徒之暇日加研究逾月而百題成詠進呈得優等年二十九登賢書計偕北上舟車所至即景行吟學為近體不自計其工拙也咸豐四年七月逆匪陷城五年三月率勇收復六年程邑侯復延主鳳城書院講席因攜兒孫課讀六月賊復聚濱

江十一月圍攻縣城分股攻陷高田廬舍盡遭焚燬藏書數千卷及生平所註經解所作詩賦時藝稿本咸歸一炬七年二月率勇收復高田卽解城圍書院行篋幸移置總局未盡遺失於兒孫書笥中檢得近體詩稿百餘首試帖殘稿數十首雖非佳構以僅存而珍惜之錄成一帙以付兒輩使知余足跡所及偶見於詩未窺全豹畧見一斑試帖多是都中過夏及遊寓山右所作不過紀程錄中夾存片紙耳稍暇當細加刪改今姑存之

榕石文集

清存

郭鍾熙撰

郭氏族譜云江南布政司梁佐中爲序

客亦知齋稿

清存

郭鍾潮撰

光緒四年哲嗣郭延康序畧云先君子秉性和平持身純正名不入案牘足不履公庭生平祇以善誘爲事遇寒峻可以培成者殷

清遠縣志

卷十八

藝文

五三

殷加意故沾化雨者多行成名立焉芸窗制藝不下千百篇咸豐丙辰被匪焚毀今得是編乃先君子於甲寅乙卯家居課孫手錄生平課徒所作蠅頭細楷書成小本以課長男時芳者嗣延敷另行謄鈔未及校正字多舛訛因逐首敬誦訛者正之不禁有物是人非之痛未知嗣吾後者亦能以吾心爲心否也

瓚餘詩草 棧雲草 六息草 握水草 聽波草 噫塵草 竅

蠅草

拾餘草

清存

郭志融撰

朱汝珍序云昔人謂詩之爲道窮而後工自古詩人或以忠謗信疑枉遭廢逐窮途潦倒衰病侵尋乃託爲勞人思婦之詞發其憤懣不平之氣又或以運際陽九陵谷變遷異域流離惓懷故國興亡治忽具著於篇其風調類悽切而蒼涼氣格類沈雄而奇拔大都以境遇而造成者也若吾邑郭藕舫先生則累世簪纓席豐履

厚以名進士作宰西蜀卓著循聲繼而擢郡守晉監司符節炳耀於大江南北治行優異見知九重布政之餘又復籌備海疆綏弭戎醜案牘旁午日不暇給閒事吟詠聊資遣興而已夫以華貴之胄當強盛之年通顯於承平之世方當出異能建奇績以垂不朽故先生從不以詩自見世之稱先生者亦不謂其能詩歲甲戌汝珍與修邑志蒐采藝文白君兆尼示以先生詩集屬爲之序讀之覺氣體昌華稱其境遇而其中卽事感懷諸作則悽切蒼涼之風調沈雄奇拔之氣格亦兼有之視古作者殆無多讓嗚呼何其胸中之多奇也汝珍於人世困苦艱危之境已備嘗之而所爲篇什率慙膚弱諷詠佳章彌增愧恧然則窮而後工之說毋亦有不盡然者耶抑攷吾邑自邵太學後千數百年以詩名世者代不數人不數首自得先生之詩集而藝文增色矣謹爲弁言以告世之

## 清遠縣志

### 卷十八

藝文

五四

爲近代詩徵者

藕舡詩草

清

郭志融撰

見史府志藝文

何曰愈退菴詩話云郭藕舡太守志融清遠人乙巳進士初宰西屬有能聲詩不輕作而下筆多工其送馮展雲太史歸娶詩云云蓋展雲得館選時年纔弱冠猶未娶也藕舡亦盛年負俊才祇以榜下卽用分發西屬鬱鬱不得志故詩多牢騷語

張維屏藝談錄云郭志融字藕舡清遠人道光乙巳進士慷慨好義通達吏治官四川知府有政聲奉旨調安徽首府丁內艱服闋補揚州府志融爲詩專意學杜尤工五古善狀山川形勢循吏文苑二者兼長百數十年來未易多覲也

郭觀察詩集六卷

清

郭志融撰

謹按史府志列傳云志融初未學詩會試下第歸途感事擬杜諸將詩見者以爲逼真由是肄力學杜有詩草一卷悲壯淋漓一時之傑也但攷其現存竅蠅草棧雲草瓠餘草六息草等共計八種合一千餘首則不僅府志所載之藕舡草一卷已也觀察由守牧晉監司循聲卓著四川且建生祠以祀之政績如此則其發而爲詩者其緒餘耳聽波草中虎門紀事汎海炮臺諸作痛心於失機縱寇忠憤之氣溢於行間府志稱其悲壯淋漓有以也其曾姪孫慶璜編輯八種共爲郭觀察詩集六卷待梓乘風破浪圖詠一卷

清 郭志珩撰  
存

郭氏族譜云志珩字兼山任福建長汀上杭建寧泰寧知縣卓異升任平潭海防同知

郭志融題詞云全船浪罅伏經旬海氣青黃湧巨鱗島外片帆收

### 清遠縣志

### 卷十八

藝文

五五

鹿耳腰間一劍入鯤身水鄉月靜鯨鯢戮山郭風清虎豹馴旌鼓舳艫齊內渡殊方喜見德威新

求志草堂詩集 清 郭信祖撰  
佚

郭氏族譜云信祖字月川候補縣丞著詩集二卷

竹蘭館文集 清 郭嵩祖撰  
未見

筆花軒詩賦鈔 清 郭嵩祖撰  
佚

見本志列傳

隨侍北游草二卷 清 郭怡祖妻錢氏撰  
本見

郭怡祖序畧謂配室錢孺人卒年二十有二生平事奉翁姑克敬克孝得堂上心女紅之暇誦讀經史尤耽吟咏著有隨侍北游詩草二卷兼精書算云

文法舉隅 清 黎方昕撰  
佚

澹園吟草

清未見

黎方昕猷

唐詩金針

清存

黎方昕撰

黎氏族譜有張孝廉景祥撰行狀云方昕字旭之歲貢生平生樂育後進邑中紳衿多出其門著有文法舉隅澹園吟草唐詩金針等書云

半塘書室詩集一卷

清存

白以文撰

見白氏奕葉傳芳集

松菴文集四卷

清存

向秉猷撰

唾餘詩草二卷

清存

向秉猷撰

民國癸丑向秉猷自序略云詩本性情爲此者其亦憂時託志發於情之所難已歟苟能合比興褒刺之義則雖樵歌牧和巴曲童謠亦將有取焉爾夫家有敝帚享之千金人之苦於不自見者自

## 清遠縣志

### 卷十八

藝文

五六

古已然余自顧何人詎能免此第以唾壺餘沫出自枯腸區區者殆不知織盡幾許心絲矣民國癸丑寄居蘆市續有歌詠秋日賦閒偶檢敝篋稍爲編集得古近體詩若干首附以論記各種分爲上下二卷顏之曰唾餘草而平生師友淵源無時或忘因序其緣起論其義法而並紀其交游如此若夫子雲壯夫之謂則當擲管時已安之從吾所好而已

白玉書跋云少葵先生性情惇摯尤復憐才愛士後進從游者必盡心訓迪予生也晚未獲摳衣程門丙辰五月廣西蘇令公來宰吾邑江蘇陳習仲徵稅此間彼二人者固風雅士日事唱酬玉與先生亦以鞭弭周旋壇坫間憶先生送陳君歸江左有鄉心雲水長君嘯老眼乾坤我一開句見者擊節而先生意猶未愜因出其唾餘草相示見其平生所作沈雄激越類多過裂雲石之音高出

於此者甚夥胡怪其意之未愜耶集中古今體詩三百五十餘首除拜孔林游西山登勞山游匡門赴濟南登泰山等百首外其中弔祭哀挽及感懷卽事諸詩皆悲歌慷慨蓋先生本深於情者也其自敘謂子建仲宣之流遭際喪亂身嬰荼毒宣鬱達情何嘗不以詩詩何嘗不哀痛云云可以見其志矣先生嘗曰攷據訓詁似較實用而詩道性靈亦須別才昔趙雲崧本工詩古文辭後趨攷據一途袁子才非之此非通論也夫古之爲學殊途要必盡趨於性之所近至爲師友所習爲際遇所移者亦有之玉以唐詩云周公註虫魚定非磊落人疑瑣瑣綴緝非壯夫事舉以質之先生則曰士君子苟能奮鬪風雲咳唾珠玉或歌明良之章或賦歸歟之什又何藝之足論而不然者際遇非時與世無偶則不能不埋頭書案日與蠹魚相親藉以排遣歲月消磨壯心揚子雲所謂雕

## 清遠縣志

### 卷十八

藝文

五七

虫小技者亦甘爲之如杜子美詩皆窮居無聊之作又如顧亭林乃一嶽崎磊落之壯夫以熱血一腔不知灑向何處馳驅南北塊壘莫消其沈潛於竹素之間日訂羣書之誤者亦勢逼之也而卒之成爲一代大儒清史儒林哀然居首古來因遇而成者比比矣子之所遇得毋近是尙其勗之此先生勉玉之言今猶在耳惜前年二月先生遽歸道山拜讀遺稿前塵如昨爰詳跋之如此

陳孝廉雜俎

清存

陳

謨

撰

陳氏族譜云謨字慕臯浸潭人性聰慧十六補附生三十四中癸巳科鄉試舉人甲午會試禮部名次甚高當成進士是年因倭警突減額以故改爲乙榜授國史館謄錄

鳳山詩文集三卷

清存

白居岐撰

民國三年歐希亮序之畧謂世說云情生於文文生於情言情文

之相生也情之厚者其爲文亦厚昔諸葛出師李氏陳情二表古今大文也當其含毫揮灑不過抒一己之情豈有求工之意而其忠孝之心油然而生發露於文後世人人見其有浩然之氣由其性情篤厚故能感人如此余友白君鳳山性至孝某年五月封翁齊芳公無病考終君時應試省垣場中心痛亟歸果與報喪者值其天性惇誠感而遂通如此嘗讀書華嚴庵與余居毘鄰見則縱論文史上下千古娓娓不倦經術湛深近世罕匹止補脩生卽罹凶折君侄啓堂以所遺詩文集求序余遍覽之見其文皆博厚詩亦清新篤於情之極致不可不爲序之君雖不祿而文能壽世亦堪瞑目於泉下矣云

啓堂詩文集一卷

清存

白元章撰

宛委文集云元章字啓堂性孝友而勤學博覽強記尤善詩古文

清遠縣志

卷十八

藝文

五八

辭縣府試六考陪案院試兩錄經古未青一衿乳源知縣見其文大喜擬聘爲書院山長後爲資格所限而罷

職思居類稿二卷

清存

白清楷撰

花縣朱珩序畧云秀峯邑增生乃中宿名下士也博學工文聲雋一夔呂拔湖先生具知人鑑卜其必中乃屢薦而不售呂爲之太息性和平清靜而寡慾後進從其游者塾常滿皆循循善誘育才甚盛著有職思居類稿二卷皆典實風華固沈潛於鮑庾者也其傳也必矣

清浦詩文鈔一卷

清存

廖華開撰

宛委文集畧謂華開字清浦邑增生博學工文凡應書院課必居超等其教士也勤於訓誨循循善誘乳源知縣某欽其文行延聘爲書院山長顧性極孝以祖母年老辭今存遺鈔一卷內共經義

策論四十篇詩雜文二十篇

瑞峯文讌集一卷 清 佚

向陽編

詳本志雜錄

九老詩集一卷 清 佚

朱潤芳編

詳本志雜錄

劉園唱和集一卷 清 存

劉秋湘編

詳本志雜錄

留亭詩社集六卷 清 存

黃嘉垣編

宛委文集畧謂嘉垣字樂生城內起鳳里人善星學好吟咏民國初與文士廖明良謝德熙劉秋湘李竹浦徐翼垣梁忠誠蔡廷傑黃星橋林縮符等同結留亭詩社於東臯之劉園月必數會云

自娛堂詩集三卷 清 存

廖明良撰

### 清遠縣志

### 卷十八

藝文

五九

古香室文集二卷 清 存

廖明良撰

民國二十四年白簡書序之畧云先生工詩文有聲庠序以孝聞課餘輒歸定省其父母有弟商於南洋不以在遠弛其愛教誨其子以至於成又喜交游重然諾性復剛直遇地方興革事必詳論其利害得失不隨人唯諾人亦多趨其議居恒設帳授徒一時俊秀如黃君開山溫君協寅黃君衡中等皆出其門下所課多詩古文辭時文弗尚也著有自娛堂詩集三卷古香室文集二卷類皆本其平日性情為有關世道人心之作憶甲寅乙卯間舉世崇尚新文化先生則與諸名士結詩社於劉園挖雅揚風酬唱無虛日舊學商量斯文因以不墜云

離六堂集 清 缺 釋 大汕撰

園次吳綺撰石濂詩集序云晉朝名士支許聯世外之交唐代英

流顏謝結山中之契三生有石豈淺見之所能窺百尺爲樓非恒  
人之所得上予以漫叟浪跡鷗波得遇丁翁論心虎阜前期莫負  
不辭拏楫而來良晤偏遙乃復披帷不見則余之至廣始及一陽  
而師之遊潮已先五月矣旣而莫回北律松轉東枝廬嶽藍輿還  
迎靖節石泉槐火常對參寥時司匡坐三更爰讀潮行一帙或狀  
溪山之雄麗而岳起筆端或寫潮汐之奔騰而聲喧紙上或賓朋  
贈答敘情致以纏綿或歲序遷移概光陰之流轉蓋相知有素偏  
逢好客陳蕃而自得爲多不類依人王粲故能無言不韻有故皆  
新直從句外求禪豈獨詩中有畫而已哉香巖悟道惟聞擊竹作  
聲迦葉傳心只在拈花微笑以此慧解求之正聲自有天中之天  
別出味外之味豈與白蓮爲集較蔬笋之酸鹹青豆成編得梅檀  
之氣味耶予罔知西竺之學頗覽東陽之書萬水千山知和尚之  
來得得三唐八代任說者之論悠悠爾

## 清遠縣志

### 卷十八

藝文

六

謹按離六堂詩集禺峽山志祇著其目查其詩文原共編爲十  
二卷分釘六本今板已失幸香山拔貢黃君慈博儲藏四本仍  
失四卷以致序跋皆佚茲從留青集內移錄吳綺之序於此綺  
字園次維揚人官吳興太守世稱紅豆詞人

清署吟一卷

清

朱順昌撰

朱次琦九江朱氏傳芳集云順昌南海人恩平縣拔貢任清遠縣  
教諭有清署吟一卷後升瓊州府教授

國朝峻山寺留題詩刊本一卷

清

德保編

何青合刻序云德定圃先生刻板模糊緣增刪之合成二卷阮元  
續刻序云國朝王洋漁以後留題各詩刊本二卷有德文莊朱文  
正二序蓋經兩次選定者也

謹按此爲德保所編其中詩詞爲何青收於合刻惜保與朱珪二序不傳保字定圃吉林人時任兩廣總督卒諡文莊珪字石君大興人亦任兩廣總督官至大學士卒諡文正

國朝峽山寺留題詩合刻二卷

清存

何青編

乾隆壬子知清遠縣何青自序云自古名藍勝景得名流之題詠而益傳清遠中宿峽之飛來寺朐自蕭梁李唐諸公始系以詩如張洛陽之雲峯吐日月石壁淡烟虹張曲江之水閣先秋冷山晴當晝陰許潤州之樹隨山崦合泉到石稜分李禮部之一水遠赴海兩山高入雲宋學士之香岫懸金刹飛泉屆石門可謂得二禺之真面目者矣迨蘇玉局雲碓松門一篇出自宋迄今尤爲膾炙人口也厥後若元若明代有著作率能闡發清幽至我國朝則名作如林王阮亭朱竹垞查初白潘稼堂諸先生後凡使臣游宦騷

## 清遠縣志

### 卷十八

藝文

六一

客勞人以及外藩緇衣閨秀之詩無不畢備其自康熙庚子以前者邑令瀋陽孫澹翁則載入山志乾隆癸巳中丞吉林德定圃先生續錄一篇越今又二十餘載壬子春余奉檄署篆斯邑時峽山水却有修葺之役因徧訪留題又哀然成集因急爲付梓以備他日山史採擇澹翁山志所載無俟全錄定圃先生續刻板漸模糊緣增刪之合成國朝留題詩二卷上卷多定圃先生所錄間採山志若干首并補其遺下卷或得之山僧或採諸本集以遊歷之先後編次俾往來游人披是編而想像名藍勝景抒爲詠唵更將俱傳不朽矣

僅按光緒志引此刻二卷誤作二首何青又誤何清蓋刻本久佚光緒志僅據阮通志以著錄之也去年香山黃拔萃慈博收得一卷南海黃太學秩南又搜獲一卷合之始成完璧茲錄其

序於右青歙縣人字數峯乾隆五十七年任邑侯

國朝峽山寺留題詩續刻一卷

清存

阮元編

阮元自序云道光二年七月余述職南旋過清遠峽艤舟登飛來寺寺僧以國朝漁洋山人以後留題各詩刊本二卷相示卷首有德文莊公朱文正公二序蓋經兩次選定者也其明以前詩則在峽山寺小志之中別成一書矣僧言近年鈔存留題雜詩復不少若續刻之當求刪選余乃坐帶玉堂破數刻之暇爲之刪選續成一卷付僧再刊之是時秋雨初晴清風滿峽墻頭綰羽又向南飛去矣

會稽王衍梅後序云雲臺師出示評定峽山續刻詩冊敬跋一章附錄於後我家吳越千萬山一拳靈鷲分天竺迷戀雲山不肯歸盡日蛾眉飲湖淥羅浮四百青芙蓉左股蓬萊宛相屬峽山佳人

## 清遠縣志

### 卷十八

藝文

六二

緣此例翠衷無心補茅屋排雲夜呼祁孔賓撒手天花着蒼蘆大波邛藏走江腹紺殿崢嶸挿山足借問當年眞俊師夢啼子規驚裂竹洞天石扇砮然開兩岸猿聲答空綠古來萬里水東流金粉蕭梁風轉燭琅嬛老仙發妙偈指點青山無往復煙檣鐵鹿檻前飛不見山靈駕黃鵠太極一動陰陽生此論張遐吾所服靜中何爲飛來舉似神人將安告開元耆舊停芳躅環佩琤淙應飛瀑故知中宿不通潮天遣笙鐘酣萬斛后來名輩屢經過罩壁紅紗漫成軸吾師宴坐帶玉堂一一伶簫選純束政如西子比西湖曉粧濃淡呈新沐瘦燕肥環粲列行畫稿何曾一筆複摩厓大字昭諫書剝蝕千年公更續豈比槐京篆萬杉虎龍嵐慶空盤蹙憶我南來泊短篷兩度中流酌鄴鄴鸞輪飛轡閭風臺放眼江山飽清福問禪枉自繞壺蘆游戲東方犯阿閼千騎從公轉法華二龍乞

與奇書讀松門自關碓自春古佛茫茫人代速羽衣長歎合江樓  
萬里飛還蘇玉局

謹按元字雲臺儀徵人官至太傅大學士時任兩廣總督後諡  
文達衍梅字笠舫會稽人進士官廣東知縣

清遠縣志

卷十八

藝文

六三

